

1988
ACQ. DEPT.

RECEIVED
FEB 10 1988
ACQ. DEPT.

NIUSPEPA BILONG OL PAPUA NIUGINI STRET

36 pes

Mosbi — 25 toea

Namba 709

4-11 Februeri, 1988

Arapela provins — 30 toea

Ol pablik sevan belhat long Samban

Insait



Traim nupela resis bilong Wantok na winim K50 na ol Wantok T siot - pes 2



I tambu long kilim nating o wokim bisnis long sampela enimal bilong PNG - pes 12

Rugby League News bai stat neks wik!

OL Pablik Sevans long is Sepik i tokim Primia Bruce Samban olsem sapos em wantaim Provinsal Seketeri, Paul Bengo i no stretim hevi bilong ol Pablik Sevan, bai i gat straik.

Primia i bin tok olsem em bai rausim olgeta pablik sevan long ol wok bilong ol. Wok bilong Provinsal Seketeri, em Mista Paul Bengo i holim i wanpela bilong ol dispela wok.

PAULINE LAKI i raitim

Wewak Brans bilong Pablik Emplois

Asosiesen i belhat nogut long dispela toktok bilong primia.

Asosiesen i tok, Primia bai painim hat tru long rausim olgeta pablik sevan long wok bilong ol.

Asosiesen i tok long dispela wik i mas i gat kibung namel long Seketeri, Paul Bengo, na Primia long stretim olgeta samting.

Mista Samban i tok, Gavman bilong em bai i no inap long rausim ol pablik Sevans. Bai ol i askim ol pablik sevan long aplai gen long ol wok bilong ol. Is Sepik gavman i

putim pablik tok save long ol pipel i aplai long kisim ol dispela wok.

Em i tok, wok painimaut i kamap nau bilong glasim gut na stretim-pablik sevis long Is Sepik.

Provinsal gavman i wok long glasim olgeta wok nau bilong ol Pablik Sevan. Ol dispela pipel i no wok

gut o i kamap long wok long laik bilong ol bai kisim taim.

Na husat i bin wok strong na bihainim stret taim na pasin bilong wok bai laki long kisim bek wok bilong en.

Mista Samban i tokaut tu olsem, em i no save kisim advais o wok bung wantaim Mista Bengo.

Ol Siassi amamas

BIKPELA hatwok bilong ol pipel long Siassi Ailan i karim kaikai.

Long Sarere, Janueri 30, minista i bosim wok bilong Fores Tom Horik i bin opim wanpela timba kampani. Nem bilong dispela kampani em Umboi Timba Investmen, (UTI)

Dispela kampani bai katim 1.8 milien kubik mita timba long dispela ailan.

Tupela kampani winim kontrak long kirapim dispela projek. Ol kampani ya em long UTI na Putput Logging Kampani. Dispela kampani i winim kontrak long katim na salim timba.


Insait long developmen plen bilong Putput kampani em ol bai wokim wanpela rot raunim ailan Siassi.



• Ol pipel i amamas na hatim singsing long taim bilong opim nupela somil.



BEEF CRACKER



Yu Tu Bai Laikim!

Bisket Igat Tes Bilong Mit.

COLOR USED

Ol pipel pinisim laik long taim bilong paia

LONG las wik Sande taim bikpela paia kukim Ocean Trading stua long Mosbi ol pipel bilong Siks Mail setelmen i bin brukim banis na go stilim ol samting.

Ol i no kandim paia tu. Meri, pikinini na ol man i wok long ran i go kam insait long eria bilong Ocean Trading. Ol i karim ol tin kaikai, kago na sampela i go brukim ka bilong Ocean Trading na stilim redio bilong ka.

Ol plisman na paia-man i traime long stapim ol pipel tasol ol i kapsait i kam insait na karim ol samting paia i bin kukim. Na ol i ran i go lusim long setelmen na ron i kam bek. Mumutim sampela moa.

Papa bilong stua Joe Seeto i tok, "Ol plisman i pairapim tia ges na ol pipel i ranawe i go stap liklik na kam bek gen."

Em i tok, "Taim ol paia-man i wok long traime kilim paia ol pipel i wok long klap i go insait na rausim ol kago. Mi save sapos paia i kukim wanpela o ol i kisim bagarap bai ol i sutim tok i kam long mi gen."

Mista Seeto tok ol paia-man na plisman i mekim bikpela hatwok tru. Taim ol i pinis na laik go ol pipel bilong setelmen i sanap autsait long get na tromoi botol na ston long ol.

Em i singautim ol raiot plisman, sekuriti bilong Wormald na ol i kam was long eria bilong em i go inap tulait.

"Long seven klok


long nait ol pipel i stap yet na traime long brukim banis gen na kam insait. Mi no save long kain tingting bilong ol tasol ol i stilim olgeta samting, brukim ka bilong kampani na nau ol i

laikim wanem?" Mista Seeto tok.

Mista Seeto i tok, "Mani mipela i westim long taim paia i kukim stua em olsem wan milion kina olgeta tasol mi laki bikos

insurens i karamapim dispela bagarap."

Mista Seeto tok long taim ol wokman bilong em i rausim olgeta pipia bilong paia em bai kirapim nupela haus gen.



• Ocean Trading i paia olgeta. Poto i soim ol hap hap kapa na ol ain i slip krungut i stap.

LIKLIK NIUS

NCDIC senisim mak bilong takis

NESENEL Kapital Distrik Interim Komisin (NCDIC) i daunim mak bilong sels takis ol i bin makim bipo. Bipo ol i bin makim 2 na hap pesen long olgeta saming ol pipel bai baim long ol stua. Tasol nau ol i daunim i go long wan pesen tasol. Taim ol pipel husat i stap long Mosbi siti i go baim ol samting long ol stua ol bai lusim wan toea moa.

Siaman bilong NCDIC dokta Jack Onno i tok, ol i daunim mak bilong mani ol i bin makim bipo. Ol i mekim olsem bihain long ol i bin toktok wantaim sampela papa bilong ol stua na narapela ol bisnis insait long Mosbi siti.

Yer laikim bikpela opis bilong Egrikalsa Beng

MEMBA bilong Simbu, Jim Yer i givim strongpela askim i go long gavman i mas sanapim wanpela brens o ban bilong Egrikalsa Beng long Simbu.

Mista Yer i tok, Simbu em i bikpela provins tru na liklik ejensi i no inap long helpim olgeta pipel. Em i tok Simbu i gat bikpela eria tru na i save pulim bikpela mani long ekonomik developmen bilong kantri. Olsem na sapos wanpela ban o brens bilong Egrikalsa Beng i sanap long provins em bai wokim planti moa pipel long kirapim bisnis bilong ol.

Mista Yer i askim gut tupela minista bilong Simbu, Peter Kuman na Bill Ninkama long sapotim em long wanpela brens bilong benk i mas sanap long Simbu.

Memba amamas long rot

MEMBA bilong Kagua-Erave Soso Tomu i givim sapot bilong em long wokim rot i joinim Galp na Saten Hailans provins. Mista Tomu i tok dispela rot bai helpim ol bisnis long dispela eria.

Ol kopi groa na narapela ol lain pipel husat i save groaim ol samting bilong salim gutpela helpim tru long dispela rot. Bikos ol i no inap long lusim bikpela mani tumas long baim transpot.

Mista Tomu i tok dispela rot bai helpim tu Westen Hailans na Enga.

Paua kalap i go long gavman

WANPELA moa memba long opsisen i kalap i go long gavman. Man ya Joel Paua i memba bilong Baiyer-Mul.

EM i tok olsem em i laik go joinim gavman lng stap long gutpela posisen long helpim pipel bilong em. Nau Mista Paua i go long gavman namba bilong ol memba long gavman i surik i antap long 69

Ol papamama baim ful skul fi yet

SKUL i stat long Mande, 1 Februari, na planti skul pikinini i bin go long skul. Planti pikinini i laki bikos i gat spes. Tasol tarangu sampela papamama i kraik bikos spes i pas pinis.

Dispela kain hevi i save kamap olgeta yia taim nupela skul yia i stat.

Insait long Mosbi tasol moa long 600 ol nupela pikinini i no gat spes long gret 1. Na dispela em asua bilong husat? Planti ol arapela sumatin insait long kantri wankain.

Dispela em bikpela hevi tasol i no gat man i ken helpim mipela.

Wantok i bin raun long tripela skul Sen Peter long Erima,

Sekred Hat long Hohola, na Eki Vaki long Hohola.

Hohola Sekred Hat i no gat wari. Bikos long namba wan wik bilong Januери, hetmasta i putim toksave na olgeta papamama i bin baim fi bilong ol pikinini. Olsem na ol laki pikinini nau long sindaun long skul.

Insait long dispela ol skul, gavman bai tromoi K10 long helpim wan wan skul pikinini.

Wantok i bin painimaut tu long ol papamama long Mande olsem ol i wok yet long baim stret skul fi. Hohola Sekred Hat skul i sasim long K30 long wan wan pikinini. Na ol papamama i tromoi stret dispela mani.

Sampela i bin komplem olsem dispela toktok bilong K10 sab-

sidi fi i no fri edukesen.

Olpela memba bilong Wewak i sutim tok i go long Minista bilong Fainens na Plening Galewa Kwarara long mekim giaman tok long fri edukesen.

Olpela memba bilong Wewak Tony Bais i tok ol toktok bilong minista long baset buk long Novemba 10 i tokaut stret olsem "1988 em yia bilong amamas bikos i gat fri edukesen. Planti ol papamama i wet longpela taim tru long fri edukesen".

Mista Bais i tok dispela kain giaman toktok i no gutpela. Em i mauswara tasol bilong gavman bikos papamama i mas baim moa long K20 na K50 long giaman toktok bilong minista.

Wanpela primia tu i autim wari bilong em



• Galewa Kwarara long dispela fri edukesen. Man ya em primia bilong Westen provins, Norbert Makmop. Em i tok em i no amamas tumas long

Toro

LONG KRISTMAS TAIM TORO I GO LONG PLES...EMI LUK SMAT TRU NA OL MERI LONG PLES I DAI LONG EM...

NAUEM GRIS WANTAIM WANPELA MERI...

KOLE I HARIM OLSEM TORO I GRIS RAUN ISTAP NA EM KISIM TAMIOK NA PAINIM EM RAUN...

TAIM TORO LUKIM KOLE.. MAN EM HOT WILS STRET..



HIA EM OL TOKAUT BILONG

wantok

SKUL i stat nau na long taim ol papamama i go baim skul fi, ol i painimaut olsem ol i mas baim ful skul fi yet. Westap dispela K10 helpim mani gavman i bin tok long givim ol?

Planti toktok i wok long sut i go kam nau olsem gavman i giamanim tru ol papamama na tok olsem bai ol pikinini i go fri long skul. Na watpo em i tanim bek na tok olsem skul i no fri tasol bai gavman i helpim ol K10.

Planti pikinini husat inap long statim skul long dispela yia i no skul bikos i no gat inap spes bilong ol gret 1. Sampela papamama i tok las yia tu ol pikinini bilong ol i no inap skul bikos i no gat spes. Na nau ol pikinini i bikpela pinis tasol ol i wet yet.

Olgeta yia yumi harim wankain stori - ol pikinini i no inap skul bikos i no gat spes. Na bai ynmi larim dispela hevi i kamap long olgeta yia o?

Dispela K4.8 milion gavman i givim long "fri" edukesen inap go long helpim ol skul long sanapimn moa klasrum long ol gret 1 studen. Bikos namba bilong ol pikinini i wok long kamap bikpela long olgeta yia. Na long taim ol i laik go skul ples i pas na sampela tasol i skul. Ol arapela tarangu i mas stap nating na wet inap wan yia na ol i traim gen.

OL wokman bilong gavman i painim pinis kopi ras long Kaintiba Distrik, Galp provins. Provinsal Minista bilong Egrikalsa na Laipstok, Sesese Sea i tokim Wantok olsem ol didiman i bin painim kopi ras long Uiabi senses divisen. Tasol nau ol i painim kopi ras long Mienta na Middle-Taure eria tu.

Long dispela taim ol didiman i stap long dispela hap long helpim ol kopi fama

Kopi ras kamap long Kaintiba

long stretim dispela hvei.

Wok ol i mekim nau em long katim ol han bilong ol kopi diwai.

Dispela bai stopim kopi ras i kalap i go long ol arapela diwa. Na bai givim planti

san i go long ol diwai. Long taim ol i kisim marasin long Lae, bai ol i spreim ol kopi diwai.

Long dispela taim tu ol didiman opisa i stap long arapela hap bilong provins

long skulim ol kopi fama long dispela sik nogut.

Mista Sea i tok olsem ol kopi gaden long ol mauten eria bilong Galp provins tasol i bin kisim dispela sik nogut.

Ol arabika kopi long ol manuten eria tasol i save kisim dispela sik. Ol kopi fama long nambis eria husat i save groim robasta kopi i no save painim dispela hevi.

Dispela sik i no save bagarapim ol pikinini kopi. Em i save bagarapim lip tasol. Tasol lip em i bun bilong kopi. Sapos olgeta lip i dai bai diwai kopi i dai tu.

Mista Sea i askim pinis ol arapela kopi fama long Galp provins long tokaut kwik taim long ol didiman opisa sapos ol i painim dispela kain sik long gaden bilong ol.



• Poto i soim seketeri bilong Vailala Hiloi Yunaitet sios long Galp Provins, Kerere Hulape na Marus Kei na Harry Maelan i lainim ol mekpas saksak.

Man i dring wara na dai

OL plisman painim pinis bodi bilong wanpela man husat i bin lus long wara klostu long Ningerum gavman stesin long Westen Provins. Man ya i bin lus long Mande 25 Janueri.

Provinsal Plis Komanda bilong Not Flai, Sief Inspekta Sam Inguba i tok olsem Koki Kangun

bilong Minipon viles klostu long Ningerum i bin dai bihain long strongpela tait i bin pulim em i go long wara.

Em i tok, Kangun na tupela poroman i bin sindaun arere long wara. Na ol i lukim wanpela gumi i drip i kam daun na Kangun i swim i go long kisim dispela gumi tasol tait bilong wara i bin karim em i go.

Wantok

P.O. Box 1982, Boroko
Telepon: 25 2500
Teleks: NE 22213
Faks 252579

PE BILONG WANPELA YIA, 52 NIUSPEPA

Ples	Air	Surface
Port Moresby	K20	K20
PNG	K29	K29
Australia	K60	K39
New Zealand & Pacific	K78	K46
America & Europe	K118	K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

Tupela Manus kendidet komplek long ileksen

TUPELA kendidet husat i bin lus long Bisakani komyuniti gavman ileksen long Manus Provins i no amamas long pasin ileksen i bin kamap.

John Horis bilong Kun ilektoret na James Lus bilong Matahai ilektoret i tok olsem ritening opisa long Manus i no bihainim ol ol bilong ileksen long dispela taim.

Tupela i tok planti man husat i bin sanap long dispela ileksen i no bilong dispela eria.

Ol i tok olsem planti lain husat i bin vot i no vot long laik bilong ol. Ol kendidet na ol sapota bilong ol i bin stap long ples bilong vot na grisim ol pipel long votim ol.

Ol i tok tu olsem ritening opisa i no bin givim gutpela toksave long ol pipel long ol taim dispela ileksen bai kamap.

Tupela i askim pinis kodineta bilong komyuniti gavman long Manus long kirapim ol nupela ileksen bilong Bisakani komyuniti gavman.

Tasol ritening opisa long dispela ileksen Boki Raga i tok em no kisim yet wanpela komplek long ol dispela kendidet. Long Taim bilong ileksen tu em i no harim wanpela tok kros long ol pipel.

Mista Raga i tok olsem sapos ol dispela kendidet i no amamas ol i mas kisim komplek bilong ol i go long wanpela spesel kot ol i kolim Court of Disputed Returns. Dispela kot tasol bai tokaut sapos nupela ileksen bai kamap o nogat.

Painim mani bilong sios

OL pipel bilong Vailala Hiloi Yunaitet sios i bringim 30 mekpas saksak i kam salim long Mosbi. Ol i laik kisim mani long holim wanpela bung ol i kolim long "boubou" long ples Orokolo. Dispeela bung i save kamap long olgeta yia.

Seketeri bilong Vailala Yunaitet Sios, Kerere Hulape i tok, "Taim mipela i salim pinis ol dispela mekpas saksak, bai mipela i salim tok i go gen long ples."



PNG paitim toktok wantaim Solomon Ailan

OL lain bilong Foren Afeas, Jatis, Difens na Provinsal Afeas wantaim sampela bikman bilong Not Solomons i lusim pinis Papua Niugini long go long Honiara biktaun bilong Solomon Ailan.

Ol bai toktok long boda namel long Papua Niugini na Solomon Ailans. Mit

ing i bin stat long Trinde 3 Februari na bai pinis long Fraide, 5 Februari.

Foren Afeas Minista Akoka Doi i tok, as tingting bilong dispela bung em long pinisim ol tok orait long wanpela boda eria namel long Papua Niugini na Solomon Ailans.

Dispela bung bai lukluk long ol samting olsem; raun bilong ol lain wanpinis namel

long tupela kantri, ol samting long solwara, toktok bilong ol ausait man husat i no kisim tok orait na kam long kantri, ol lo bilong helt na ol arapeia wok.

Mista Doi i tok long wanpela lukluk raun bilong em i go long Solomon Ailans, em na Minista bilong Foren Afeas long Solomon Ailans, Sir Peter Kenilorea i bin pasim tok olsem tek-

tok bilong boda bai i mas pinis long dispela yia yet.

Mista Doi i bin tok tu olsem, Foren Afeas namba wan asisten seketeri bilong Intenesenel Rilesen, Mista Eova Lalatute bai i go pas long dispela grup bilong Papua Niugini, na Ligal Edvaisa, Mista Camillus Narakobi tu bai i stap insait long dispela bung.

Kros kamap long nupela haiskul

KATOLIK misin long Madang bai go het long wokim nupela haiskul long Bogia distrik. Dispela nupela haiskul bai stap long oipela Bogia Extensen haiskul long Bogia stesin.

Mausmeri husat i go pas long kamapim dispela tingting Sita Jane Francis i tokim Wantok olsem Katolik Sios bai i no inap senisim tingting bilong em.

Em i tok bipo Sios i tingting long wokim haiskul long Maiwara tasol ol asples i no laik olsem na ol i suriki go long Bogia.

Sista Jane i tok Provinsal Edukesen bot na Provinsal Gavman i bin oraitim pinis olea bilong kirapim dispela nupela haiskul.

Tasol ol pipel bilong Madang Distrik i tok tok strong yet tu olsem ol laik wanpela skul tu long Madang.

Insait long tupela miting i bin kamap long dispela wok long Sek stesin, ol bikman bilong Kananam na Mabanob i tok ol laikim tru skul long Madang Distrik.

Tasol nau ol i paini maot olsem misin i no inap senisim tingting bilong ol na ol i askim ol misin sindaun long Alexishafen long baim graun.

Mausman bilong bikman ya Augustin Wingiak i tok ol bikman i amamas tru long wok bilong ol misin long Madang. Na ol i no gat kros.

Insait long oamba wan miting i kamap long Mandel, ol bikman i askim Katolik nos long soim ol pe ol long graun em ol i baim graun.

Ol bikman i tok namba wan Pater Limbrock i bin baim graun long wanem samting tru. Ol i tok ol laik lukim rekot bilong dispela ol samting i kamap bipo.

Mista Wingiak i tok ol papa bilong graun Gamar Matu wan pinis i no amamas tru long dispela tingting bilong rausim skul na i askim misin long baim graun.

Hetman bilong dispela graun na Alexishafen Stesin i sindaun long em Vincent Solop i tok misin i mas baim kwik dispela graun. Sapos nogat ol i bai stapim olgeta wok

bilong misin. Insait long namba tu miting i kamap long tunde long dispela wik yet, tripela kuku-rai bilong oles Kananam i bin toktok wantaim tupela mausman bilong misin long Sek. Tupela mausman bilong misin em Pater J. Patik na Bruder Paul.

Long dispela kibung, Pater Patik i tok misin bai tra m panim sampela wok bilong helpim ol asples pipel. Tasol pater i no tok wanem kan helpim tru misin baim graun.

Pater Patik i tok insait long dispela miting olsem long 1987 em i wokim sampela wok baim maot maot i bipo olsem ol asples i no gat graun. Olsem na misin bai tra m helpim.

Mista Wingiak i tok Wantok olsem bai gat wanpela bikpela miting tru i kamap long namba wan wik bilong man mas. Ol bai askim misin long tingting bilong em long baim.

Em i tok nau yet ol asples man i askim misin long givim KI milion long dispela graun.

Wantok i bin taim long kisim toktok bilong Bisop bilong Madang Benedict ToVarpin long dispela stori tasol em i no bin stap.



• Provinsal Plis Komanda bilong Istana Hailans, Sif Inspekta Alfred Reu wantaim ol plisman bilong em i givim toktok long ol pipel long Goroka Peace Park las wik.

Ol Goroka lida autim hevi long haiwe

OL sampela kominiti lida insait long Goroka i tok, ol pret long raun long Hailans haiwe bikos planti ol birua i wok long kamap.

Ripot i tok sampela eria o hap rot i no gutpela tru, ol raskol i save hait na stopim ol ka na stilim ol samting bilong ol pasindia na bagarapim ol meri

pasindia. Ol lida i tok ol Nesenel na Provinsal gavman wantaim i mas tingting gut na salim ol lain plisman long lukautim dispela haiwe.

Ol i tok dispela kain ol trabel i wok long kamap bai holim pasim wok developmen long sampela ol ples insait long Hailans.

Provinsal plis komanda Sief Inspekta Alfred Reu i tokim ol pipel olsem em i laik olgeta pipel long Goroka i mas wok bung wantaim long holim ol dispela raskol husat i wok long wokim ol trabel. Inspekta Reu i tok ol plisman i wok long tra m olgeta save na strong bilong ol long daunim ol trabel ya.

Bensin ka i kapsait

WANPELA bensin ka bilong Curtain Brothers/Star Kampani i bin Kapsait klostu long Tabubil long taim em i karim bensin i go long Ok Tedi.

Plis ripot i tok, dispela bensin ka i wok long ron i go antap long maunten. Na long taim draiva i laik senisim gria hevi bilong bensin i pulim ka i go long sait bilong rot.

Ripot i tok tu olsem no gat man i bin kisim bagarap long dispela birua na ka i kisim sampela liklik bagarap tasol.

Paia kamap long Kiunga stua

BIKPELA paia klostu i kukim stua bilong Progressive Traders long Kiunga las wik, Sarere. Tasol namba tu menesa bilong dispela kampani i bin sevim dispela bikpela stua.

Namba tu menesa Michael Pagru i lukim bikpela smok i wok long kamap na em i go sekap na em i lukim olsem bikpela switbot bilong pawa i paia.

Em i bin ran i go kwik na mekim indai pawa na kisim bikpela baket wara na tromoi long paia.

Pagru i tokim Wantok long Kiunga olsem, em i no save

bilong wanem tru na em i tromoi wara antap long dispela paia.

Em i tok em inap long kilim em yet.

Ol paia ka bilong Ok Tedi i bin go long mekim indai paia tasol paia i baim dai long taim ol i kamap.

Mausmeri bilong dispela Progressive Treda Linda Scragg i tok, dispela paia i no bikpela tumas na i no kamapim bikpela bagarap.

Em i tok pawa i bagarap na planti ol ais mit bai bagarap na kampani bai lusim bikpela mani tru.


Misis Scragg i no

inap tokaut long hamas ol kago i bin paia.

Em i tok Westpac Benk tu i save yusim hap bilong haus. Sapos dispela haus i paia olgeta, ol man long dispela taun bai painim taim stret long mani bilong ol.

Misis Scragg i tok tupela bikpela stua long Kiunga i no gat inap mit long inapim olgeta man long taun.

Em i tok Ningerum Transpot i save helpim Progressive Trader long putim ol ais mit bilong ol long ol bikpela aisboks.



Associated Plumbing Installations Pty Ltd


Plumbing and Roofing Specialist

MIPELA I WOKIM NA SALIM OL KAPA BILONG RUF, GATA

NA OL TENG WARA


1 OP 6-PELA DE LONG WAN WIK
PHONE: 25-4200 or 25-4863 FAX: 25-2895
PORTION 456 - TAMARA ROAD - 6 MILE.

NO GAT PE LONG TAIM MIPELA I KARIM I KAM LONG HAP BILONG YU




WES BERLIN - WES JEMANI

Ol 4-pela kanai i plai i kam long painim sampela kaikai. Long baksait bilong dispela piksa yu ken lukim longpela tawa bilong Is Jemani. Is Jemani em wanpela komyunis kantri na planti ol pipel i wok long lusim dispela kantri.



BUENOS AIRES - AGENTINA

Moa long 54 milion giaman man em ol i bin putim klostu long bikpela bang bilong Agentina. Dispela ol giaman man em bilong helpim ol pipel i baun Agentina Foren Debt. Ol i yusum piksa bilong Carlos Cardel na i no bilong George Washington.



WELLINGTON - NU SILAN

Kepten bilong kricket tim bilong Inglan Mike Gatting i wari tru long taim i abrusim wanpela bal. Dispela piksa i kamap taim Inglan Kricket tim i raun long Nu Silan.

Bodi bilong papa i stap 8-pela via long haus.

WANPELA famili i bin lukautim bodi bilong papa bilong ol inap long 8-pela via olgeta. Nem bilong dispela famili em Stevens na ol bilong Noksvil long Amerika. Papa bilong ol em Carl Stevens i dai long ya 1979. Na famili bilong em i bin putim bodi bilong em i stap long haus inap 8-pela krismas.

Tupela pikinini bilong Carl Stevens i save was long bodi bilong papa bilong tupela olsem i sik na slip long bet tasol. Wanpela pikinini bilong em i gat 17 krismas na arapeia i gat 14 krismas. Tupela manki i save ting olsem papa bilong tupela i slip tasol na olgeta taim tupela i save stretim bet na tanim. Dokta bilong Steven

i bin givim marasin long em longpela taim tru tasol em i no kirap liklik. Oisem na ol i toksave long famili olsem papa bilong ol i dai. Bosman bilong Steven i wetim em long go bek long wok tasol em i no bin go long wok. Taim ol i askim famili bilong Steven long em, ol i save bekim na tok em i sik na slip long bet.



Taim ol plisman i bin painim bodi bilong Steven long rum bilong em ol i painim tasol ol bun na liklik mit tasol i stap. Olsem na ol i sasim famili ya long lukautim daiman. Ol dokta na plisman i wok yet long painim maun long wanem kain bihp tru ol famili i save bihanim na ol i holim yet bodi bilong papa bilong ol i stap long haus.

Meri brukim lo

WANPELA wait-meri long Saut Afrika i bin brukim wanpela bikpela lo bilong Saut Afrika na i laik maritim wanpela biakman. Nem bilong dispela wait-meri em Annette Stevens. Annette i gat 20 krismas na em i laik tru longpela biakman bilong em. Em wantaim hapela man i bin brukim longpela taim longpela taim i bin brukim biakman longpela taim. Nem bilong dispela biakman em Jerry Feste na em i gat 22 krismas na em i gat plisman i bin kism Hennis na bringim em i go long haus bilong ol waitman tasol em i bin ranawe na i go maritim dispela man. Insait long Saut Afrika i gat wanpela lo i tok olsem ol wait-skin i noken maritim ol blakskin.



• Dairekta bilong bikpela mas bilong Wol Expo 88 Mike Mullins i sanap klostu long wanpela bikpela palai. Dispela kain ol palai i no save stap long graun. Nau i gat bikpela wok redi i kamap long stretim ol wok bilong Wol Expo 88 bai kamap long Brisben, Australia. Na dispela so bai stat long April 30 na long Oktoba 30. Papua Niugini tu bai stap long dispela so.



• Dispela tripela mak antap long dispela pepa man i soim olsem man ya i holim 10 guilders. Dispela man i holim dispela mani i aipas. Netherland i bin wokim dispela mani long helpim ol aipas long yusim man tu.

Dispela nupela mani bilong ol aipas. Wapela saveman bilong dro Franz Hals i drain. Kona bilong dispela pepa mani i gat hui na ol aipas i ken pilim na save sapos ol i holim bikpela mani o liklik mani.

Nupela mani bilong aipas




Long mun Janueri, 1971 kantri Holan i bin wokim wapela nupela mani. Dispela mani em bilong helpim ol aipas. Dispela nupela mani i gat tripela mak long en we ol aipas i ken pilim na tok em i wanem kain mani. Mausman bilong beng i tok, ol i laik

wokim mani long kism pies bilong dispela olpela mani. Bipo em bipo. Nau em nau na ol i laik nupela mani i mas kamap long helpim olgeta manmeri. Em i tok dispela mani nau kantri i wok long yusim em ol i bin wokim long 15 yia i go pinis. Olsem na ol i laik senisim na wokim

nupela mani em olgeta manmeri i ken yusim. Dispela nupela mani bai helpim ol aipas. Bipo ol aipas i no inap yusim mani tumas. Tasol nau ol i ken kism mani tasol na pilim long kona na ol i save em i wanem kain mani. Ol aipas i save pilim hevi bilong kopa mani na tokaut.

Nau i gat nupela mani bilong aipas. Ol aipas i ken yusim dispela mani long taim ol i laik baim ol samting long stua. Sapos ol man i miksim dispela kain mani wantaim arapela mani, ol aipas i ken luksave hariap tru.

Nevi Sip bilong Australia



• David McAlister i saptim ol arapela densa bilong Australia grup i wok long praktisim wapela denis ol i kolim Galeri (7d).

• Bai gat tripela nevi sip bilong Australia i kam raun long PNG long uspeta mun. Ol bai sua long Mosbi, Rabaul na Madang.

Pasin bilong klinim maket

Dia Edita,

Mi laik toktok liklik long bikipela maket long Lae siti. Dispela maket i gat planti pipia stret na i no luk nais.

Mi bin go raun long Rabaul las yia na mi lukim olsem maket bilong ol i luk nais moa long maket bilong Lae. Maket bilong ol i klin moa.

Long taim ol mama i save kam long maket, ol i save lukautim gut ol pipia bilong ol. Ol i no save tromoi nabaut na dispela i save mekim ples i klin tru.

Long Lae maket i narakain liklik. Olgeta de bihain long maket i pas ol wokman i kam taitim bun long klinim ples. Na ol i save redi long arapela de gen. Lae Kaunsil i save westim mani long mekim ol dispela wok long baim ol wokman bilong em.

Mi laik tok olsem Lae maket i mas senis na kamapim nupela spes bilong salim ol samt- ing. Na dispela i ken mekim maket i luk gut. Long taim ol man i kam insait long maket bai ol i save wanem samt- ing i stap long wanem hap na ol i ken go stret na baim dispela samt- ing.

Ol i mas wokim spes bilong buai long arapela hap olgeta na ol kaikai na tulip na sayor

maket

samt- ing i mas stap longwe long ples ol i save salim buai.

Sapos nogat, orait ol i mas skelim wan wan provins. Ol hailans i go long wanpela hap na ol nambis i go long wanpela hap.

Oltaim Lae Kaunsil i taitim bun na dispela i no gutpela tumas. Olgeta pipel i mas traim wok wantaim long lukautim gut dispela maket bilong Lae siti.

Narapela gutpela aidia em pasin ol meri Rabaul i save mekim. Bihain tasol long maket ol meri yet i mas rausim ol pipia bilong ol pinis orait ol i go long haus.

Yu husat i stap long wanem eria i mas klinim eria bilong yu yet pastaim orait i ken go long haus.

Sapos olgeta mama i bihainim dispela kain pasin, em Lae maket bai kamap klin tru.

**K Sebond,
Lae,
Morobe provins.**

Givim trening long ol skul liva

Dia Edita,

Mi laik sapotim tingting bilong memba bilong Wewak, Bernard Narakobi. Em i autim tingting bilong em long Palamen long toktok strong long gavman i mas kism ol gret 6 na 8 skul liva long kamap soldia. Bikos nau yet namba bilong ai bilong PNG i no wankain olsem ol arapela kantri.

Sapos gavman i no gat inap mani orait i gutpela long givim trening long ol orait larim ol i go long ples. Ol dispela lain husat i stap nau long ami i ken stap. Orait ol dispela husat i go kism trening tasol i ken go bek long ples na stenbai tasol.

Mi bin harim tu long kwesten taim tu olsem memba bilong Grin Riva i bin askim Praim Minista sapos em i save long ol ami bilong Indonesia i kalapim boda tu o nogat. Sapos ol i gat tingting long pait wantaim yumi ating

bai aste yet, PNG i sup bilong Indonesia. Long pinisim toktok bilong mi, mi laik gavman i mas skelim na tingting long dispela ol toktok.

**Paul Komau,
Apiku Viles,
Nuku, ISP.**

Pe i no senis

Dia Edita,
Mi laik autim liklik wari long pe bilong ol pablik sevan.

Olsem wanem na pe bilong ol man i wok longpela taim tru long ol plantesin o long ol bisnisan i no save senis liklik?

Mi askim long wanem mi lukim sam- pela man i wok long- pela taim tru long ol bisnisan na ol i no pe bilong ol i no go antap liklik. Mi wan- pela manki bilong Kainantu na mi wok long Selau na mi lukim dispela pasin.

Mi wet tasol long lukim bekim bilong pas Wantok Niuspepa.

**Panambas Apa,
Selau Eria,
NSP.**

Makim ol gutpela lida long Wes Sepik

Dia Edita,

Mi laik autim wari bilong mi i go long ol pipel bilong Wes Sepik long wanem Provinsal gavman ileksen i kamap klostu nau.

Yupela save pinis long wanem ol lida i save kranks nabaut na i no save mekim gut wok bilong ol helpim ol pipel bilong ol.

Long taim yupela i vot long dispela nupela provinsal gavman ileksen yupela mas lukaut gut tru Laka. I no ken makim gen man em olgeta taim yupela i save bel- hat long em.

Yupela mas glasim gut tru ol kendidet long dispela taim. Na i no ken makim ol dispela man husat i bin bagarapim wok bipo yet. Ol i bin mekim wok mani bilong Sandaun gavman i bruk daun bikos ol i paulim nabaut. Dispela kain pasin i mekim na bikipela gavman i rausim pawa bilong Saundaun gavman. Na em i asua bilong sampela man tasol insait long dispela gavman.

Yupela harim pinis long nius em Sandaun Administrata Chris Wiruri i bin tokaut long em olsem olgeta pipel bilong Wes Sepik i demokratik pipel. Na yupela yet i save husat i gutpela o stretpela man. Lukluk long man i gat gutpela tingting na i save belisi wantaim olgeta

man meri bilong komyuniti na ol grasrut long ol viles antap tru long ol maunten. Em tasol tok save bilong mi. Mi yet asples man na mi laikim bai provins na ples bilong mi yet bai traim gohet gut liklik long ol sevis bilong gavman olsem na mi toktok planti

**Nick August
Vanimo,
Wes Sepik provins.**

Rausim buai go bek long maket

Dia Edita,

Mi laik autim wari bilong mi long wanpela pasin i wok long kamap insait long Lae. Na dispela pasin i wok long bagarapim gutpela siti bilong mipela.

Dispela hevi em pasin bilong salim buai na daka long pablik ples. Mi yet i no amamas tru long lukim kain pasin i wok long kamap long bikipela taun bilong yumi.

Bipo mi no save lukim ol man i salim buai long taun na strit nabaut. Ol i save salim stret long maket. Tasol stat long 1986 na 1987 dispela pasin i kamap ples klia olgeta. Ol man i wail tru long salim buai na siti i senis olgeta.

Yumi olgeta i save, Lae em i namba tu siti insait long dispela kantri. Na bilong wanem na ol pipel i wok long bagarapim dispela siti wantaim spet buai na ol arapela pipia?

Lae Siti Interim Kaunsil i wokim seksen bilong salim ol buai na daka. Tasol ol pipel insait long siti i no save bihainim dispela lo. Nogat, ol i save wokim samt- ing long laik bilong ol yet.

Ol man i save wokim dispela kain pasin i mas traim stap. Sapos yupela i laik painim

wan siling orait go long maket na salim buai bilong yupela. Na no ken mekim nating long rot.

Sapos yu no pulap long mani orait go bek long ples na wokim gaden na salim kaikai na kism mani. Nogut yu sindaun tasol long dispela liklik buai na westim taim bilong yu na bagarapim gutpela siti bilong yumi.

Mi laik askim tu gavman bilong Morobe long sapotim dispela tingting na helpim LCIA long stapim dispela kain pasin i kamap bikipela.

Ol bikman bilong Morobe na Lae Kaunsil i wok long go daun nau bikos ol i no gat strong na pawa long daunim ol dispela kain trabel.

Mi raitim dispela pas bikos mi sem pipia stret long ai bilong tripela turis husat i bin kam long Lae na spet bikos ples i smel long ai bilong ol. Dispela em ol buai ya

**Lekson Ovia,
Sonoma,
Is Nu Briten Provins.**

Maket long Sande

Dia Edita,

Mi wanpela man bilong Sinasina tasol nau mi stap long Kimbe long Kaiyu Wel Pam Blok. Mi gat 35 krismas.

Long taim mi go long lotu long Sande ma save lukim planti ol man meri i save maket.

Ol i save salim buai na daka na smok. Dispela kain pasin i no gutpela tumas bikos Sande em i de bilong Bikipelaman.

Maski long salim ol kaikai long Sande.

**John Mawe,
Kavui Blok, Kimbe,
Wes Nu Briten.**

Pablik telepon i bilong olgeta pipel

Dia Edita,

Mi laik autim wari bilong mi long ol telepon i stap long ai bilong pos opis long Kimbe.

Mi bin laik ring i go long sampela wantok long Kavieng olsem na mi bin go long pos opis long ring na mi lukim sampela lain i yusim telepon i stap. Dispela ol lain em ol lain Kombe ya.

Dispela ol telepon i stap long ai bilong pos opis em bilong olgeta man insait long Kimbe. Tasol i luk olsem dispela ol telepon em ol i mas putim bilong ol Kombe tasol ya. Oltaim mi laik go bek long ring mi lukim ol lain ya i hangamap yet.

Traim na givim sans long ol arapela man long ring ya. Dispela pasin i no gutpela tumas. Ol telepon long pos opis em pablik telepon na yumi mas givim sans long ol arapela lain tu long ring. Maski long bosim telepon long 8 klok na go olgeta long 4 klok long apinun.

**Kelly Staume,
Bugati,
Madang Provins.**

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

Givim sans long Wingti

Dia Edita,

Mi laik yu papa Somare i mas pasim maus na sindaun isi nau. Olgeta taim Paias Wingti i laik mekim wanem kain toktok, yu save tok egens long em. Mi pilim olsem dispela i no gutpela pasin. Yu mas givim sans.

Mista Somare, yu mas tingting yu i bin stap Praim Minista longpela taim tru na yu no tingim mipela ol grasrut. Nau Mista Wingti i kamap Praim Minista em i tingim mipela.

Plen bilong Wingti i helpim stret ol fama. Em i putim bikipela mani tru insait long Egrikalsa Beng long helpim ol fama long lukautim sindaun bilong ol.

Mipela ol groa bilong kopi i amamas tru long Paias Wngti. Nau pawa na strong bilong pati bilong em bai i go i go moa yet.

Taim bilong Pangu i pinis nau.

Ating Wingti i wok long winim Somare long save, politik na yu laik daunim nem bilong em Taim

bilong yu i pinis. Givim sans long ol yangpela long lukautim kantri.

**Maxwell Hangitau,
Bulolo,
Morobe Provins.**

Ol pipel laikim rot

Dia Edita,

Mi laik mekim liklik toktok egens long Mista Michael Somare.

Long Desemba 7 las yia, em i bin toktok long ol studen bilong Dregerhafen Haikul long Morobe provins.

Olgeta toktok bilong yu Somare i stret tasol dispela eria bilong Finsafen i laikim rot. I no gat rot na mipela bai bringim bisnis bilong mipela go long taun olsem wanem? Sapos i gat rot orait mipela ol pipel i ken taitim bun long wok bisnis.

Arapela samt- ing tu em, pe bilong nol balus i dia tumas. Mista Somare, mipela i sapotim yu na votim Pangu kendidet tasol yu no mekim wanpela samt- ing.

Yutupela i no save lukluk long hevi bilong mipela ol pipel bilong Finsafen. Sapos dispela kain ol pasin i stap yet ating memba o kendidet biong yu bai lus.

Mipela bai givim vot i go long pati bilong Utula Samana na Paias Wingti. Mipela i bin traim Pangu i kam inap nau na no gat kaikai bilong em.

Long 1992 em i taim bilong manki i kempen long Morobe Indipenden Grup na Pipels Demokratik Muvmen.


**Awang Merap,
P.O. Box 542,
Arawa, NSP.**



The first sign in quality

Air cooled range

DIESEL GENERATING SETS — LISTER POWERED



3.5 — 27 KVA Ex Stock

Model 4L15
with optional engine gauges

QUALITY LISTER POWERED GENSETS

ALL SETS SELF CONTAINED AND AVAILABLE FOR IMMEDIATE
DELIVERY **NATION WIDE**

*WE CARRY A FULL COMPREHENSIVE
RANGE OF **GENUINE***

ENGINE AND ALTERNATOR SPARES

CONTACT US TODAY



MORGAN EQUIPMENT

PTY
LTD

P.O. BOX 252
ARAWA
Ph: 95 9088

P.O. BOX 1234
RABUHL
92 2488

P.O. BOX 1729
LAE
42 2444

P.O. BOX 5243
BOROKO
25 5766

P.O. BOX 456
KIMBE
93 5216

P.O. BOX 8
TABUHL
58 4029

Kros pait long graun



Dia Edita,
Mi wanpela sumatin long Gabensis Sevent De Adventis skul long Morobe Provins. Mi laik mekim sampela toktok long ol lotu insait long ples bilong Gurakor.

Long ples i gat tripela lotu i stap, Luteran, Jehova Witness na SDA yet. Jeshova Witnes i save sindaun isi tru tasol Luteran na SDA i save mekim planti

nois. Oltaim dispela tupela lotu i save kros long graun bilong tupela.

Pasin bilong kros long graun i no gutpela. God i no wokim graun bilong yumi ol man long pait na kros. Dispela pasin tu i mekim mipela ol sampela Kristen lain i wari bikos nau planti kain kain lotu i wok long kamap insait long provins.

God i wanpela tasol

na maski long kros nabaut long kain kain lotu. Yumi olgeta i mas wanbel na bihainim lotu bilong yumi yet.

Dispela kain pasin bilong kros long lotu i no gutpela tumas.

Ngalai Gewe, Gabensis, Morobe Province.

Skulim ol manki long pilai ragbi



Dia Edita,
Mi laik sapatim tok bilong brata Steven Wasasima long Bialla Haikul long Wes Nu Briten provins.

Brata mi laik sapatim toktok bilong yu long ol Kumul. Mi save lukim ol PNG Kumul i save go ovasis na ol i no save win. Mi save harim olsem ol i save go na lus na kam bek long PNG.

Brata dispela toktok bilong yu i tru. Long Australia ol i save lainim ol liklik manki long komyuniti skul

na haikul long pilai ragbi. Na ol i no save wari tumas bikos ol i

skul long pilai long taim ol i stap yet long skul.

Olsem na long taim ol i kam long PNG o PNG i go long Australia ol PNG i save lus tasol.

Olsem na man i go pas long lukautim ol Kumul i mas traim na tingting long dispela na kamapim wanpela gutpela aidia long strongim Kumul tim long bihaintaim.

Mi gat bikipela bilip

tru long skulim ol manki nau. Na gavman i mas tok orait long ol skul manki i mas lainim ragbi long ol skul. Wan wan skul tasol insait long kantri i save lainim ol manki long pilai ragbi.

Na mi no ting em i gutpela.

Lozive Limaya, Morota Vokasensel Senta, Boroko.

Mauswara long fri edukesen

Dia Edita,
Mi bin ritim *Wantok* i no longtaim i go pinis na mi lukim olsem gavman i bin

bikmaus na i tok bai i gat fri edukesen.

Tasol nau mi painim olsem dispela toktok i no tru. Nau gavman i

tok ol bai helpim tasol long K10 sabsidi fi.

Dispela kain mauswara bilong ol poli-

tisen i paulim tru ol pipel bilong dispela kantri.

Na dispela mauswara i kamap stret



YU MAS RAITIM NEM NA ADRES BILONG YU

long maus bilong ol bikman. Mi no ting em i gutpela pasin tumas.

Dispela pasin i soim olsem long taim ol dispela memba i stap mangi yet ating ol i man bilong giaman. Olsem na long taim ol i kamap memba ol i save giaman tumas.

Dispela em liklik belhevi bilong mi.

Auwoc Esocnuwec, Finsafen, Morobe provins.

Ol disco meri

Dia Edita,
Mi bilong Simbu tasol mi kam stap long Mosbi long mun Disemba.

Mi save raun long ol klap na disko insait long Mosbi siti na mi save lukim planti ol meri Hailans. I gat ol meri Hagen.

Simbu, na Mendi na Tari. Tasol bikipela lain meri tru em ol lain Gumine. Mi save tingting planti bikos ol i painim wanem samting tru long nait klap na disko.

Mi laik toksave long ol arapela brata olsem no ken maritim ol dispela kain meri i save raun nambaut long ol disko. Ol i no save sindaun long haus na painim gutpela man. Ol i laik raunraun tumas.

Dispela kain pasin bilong salim bodi na kisim mani i no gutpela tumas. Em yu bagarapim laip bilong yu stret ya. Bai i no gat ol man i ken laikim yu.

Ol wokman tu i mas yusim het. Sapos wanpela meri i laikim bia o mani orait no ken traim long givim ol. Long taim yu mekim olsem skin bilong ol tu i kirap na ol i save rap tumas long go raun nabaut long ol disko klap.

Arapela samting tu, bikipela sik nogut tu i wok long kamap bikipela nau na ol man i mas lukaut long ol dispela kain meri. No ken tingting tumas long amamasim bodi.

Mi ting dispela kain pasin i wok long kamap bikipela tru na i wok long bagarapim laip bilong planti lain manmeri na ol gutpela lain Kristen famili.

Pundi Jang, Konde Viles, Westen Hailans provins.

Meri i dia tumas

Dia Edita,
Bikipela wari bilong mi em long-ol meri Hailans. Mi pret tru long pe bilong ol.

Ol papamama bilong meri i save pilim olsem pe bilong ol pikinini meri bilong ol isi samting olsem na ol i save putim bikipela pe tru. Na papamama bilong man i save natwok long bungim dispela braid prais long baim dispela meri.

Dispela kain pasin i mas pinis nau, na yumi bihainim tasol sindaun bilong ol waitman long marit long haus lotu. Sapos nogat orait kisim ring tasol long wanpela ples marit na inap olsem. Bihain wokim bikipela kaikai we tupela lain bilong meri na man wantaim i sindaun long wanpela bet na kaikai.

Mipela long Hailans ol lain bilong ol meri i save skelim K1,000 na ting em i samting nating. Olaman, dispela em i bikipela samting tru long sait bilong man long bungim. Sapos lain bilong man i laki ol i ken bungim dispela kain pe. Tasol sapos papamama bilong man i rabis lain em bai ol i no inap tru long bungim kain mani olsem. Na wari bilong man long maritim dispela meri bai popaia nating maski sapos tupela manmeri wantaim i gat bikipela laik tru long marit. Ol lain bilong meri bai i no laik bikos man i no gat mani bilong baim meri.

Dispela kain pasin i save kamapim kros na pait namel long tupela lain wanpinis. Olgeta yia pe bilong meri i surik i go antap wankain olsem pe bilong ol kaikai long stua. Na pait long Hailans long ol meri i kamap bikipela tru. Planti Hailans manmeri i Kristen nau. Orait bihainim tasol pasin bilong lotu, marit long sios na putim ring.

Job Mipe, Nipa, SHP.

INTERNATIONAL EDUCATION AGENCY

SKUL FI BILONG 1988

Daunbilo em lista bilong skul fi bilong ol pikinini husat i skul long ol pri skul, praimer skul na haikul bilong IEA.

	ANNUAL FEE (with account)	TERMLY FEE
PRE SCHOOLS		
Full Day	K1702	K436
Sessional	K 884	K227
PRIMARY SCHOOLS		
Port Moresby, Lae and North Solomons Province	K1810	K463
Madang, Wewak, Hagen, Rabaul, Goroka	K1720	K440
Alotau, Popondetta, Banz, Bialla, Bulolo, Galley Reach, Kimbe, Kiunga, Kundiawa, Mendi, Minj, Moreguina, Tabubil	K1700	K435
HIGH SCHOOLS		
Lae	K3464	K885
All other High Schools	K3344	K855

- Term 1 bilong skul yia i stat long Mande 1 Februeri. Ol papamama i mas save olsem:
- i. yupela i mas baim skul fi bilong ol pikinini bipo long skul i stat;
- ii. sapos kampani i baim skul fi bilong ol pikinini orait ol i mas baim fi bilong 1 yia olgeta (lukim diskaunt long lista i stap antap;
- iii. sapos papamama yet i baim skul fi, orait ol i ken baim fi long wan wan term o baim skul fi bilong 1 yia olgeta.
- iv. em i wok bilong ol papamama long lukim olsem ol i baim skul fi bipo long pikinini bilong ol i statim skul.
- v. papamama i ken kisim bek skul fi bilong wan wan term sapos pikinini i no skul inap long dispela term.

Yupela i ken kisim moa toksave long taim yupela i ringim dispela telepon namba: 25 3814.

S.M. Mead,
Edukesen Seketeri.



• Sevese Isaro (sanap lepahn) na meri bilong em (holim pikjnini) i sanap redi long kisim potu.

Taim bilong tok gutbai

TAIM bilong holide i pinis nau na ol studen na manmeri i redi long go bek long skul na wok. Las de em bikpela de bilong olgeta famili i save bung long tok gutbai long brata o susa o famili i laik lusim ol.

Wanpela famili bilong Australia i bin kam malolo wantaim famili bilong ol long Ebony Strit, Hohola

long Mosbi.

Mi yet i no save gut tumas long dispela famili bilong Australia. Em i namba wan taim bilong mi tu long lukim wanpela famili bilong Australia i kam stap wantaim ol PNG. Mi bin raun i go lukim ol pren bilong mi na ol i tokim mi olsem, sampela blak man bilong Australia i kam.

Dispela famili i hapkas. Papa bilong ol Sevese Isaro i bilong

Kerema na mama em i wanpela Aborijini. Dispela em ol blakman bilong Australia.

Sevese i bin go pilai basketbal long Townsville na em i painim dispela meri bilong em. Meri i gat bikpela laik tru na ol lain famili em i bin stretim samting na Sevese i bin go marit long Australia. Nau tupela i gat 6-pela naispela pikinini. Tripela meri na tripela man.

Las wik Fraide (Janueri 29) dispela famili i go bek long Australia. Holide bilong ol i pinis na ol i laik go bek.

Mi gat sans tasol long kisim sampela piksa long ol kain danis bilong ol blakman bilong Australia. Na mi toktok wantaim tripela pikinini meri bilong Isaro. Na ol i tok dispela em namba tu taim ol i kam long PNG.

Westen provins putim divelopmen bilong ol pipel i go pas

BIKPELA wok bilong Flai Riva provinsal gavman long dispela yia em long kirapim ekonomik na sosol divelopmen long provins. Fainans Minista bilong nupela provinsal gavman Sali Subam Mawia i bin tokaut long dispela long Mosbi long Tunde 2 Februeri.

Mista Subam na Primia Norbert Makmop i bin stap long Mosbi long lukim nesnel Fainans Minista Galéva Kwārara long painimaut hamas mani nesenei gavman bai givim Flai Riva provinsal gavman. Long 1986 na 1987 provinsal gavman i bin stap nating bikos nesenei gavman i bin saspenin provinsal gavman.

Long dispela taim nesenei gavman i bin givim sampela mani long ol lain husat i bin lukautim wok bilong Flai Riva provinsal gavman. Mista Subam i no inap tokaut sapos ol dispela lain i bin yusim gut dispela mani o nogat.

Flai Riva provinsal gavman bai autim mani plen bilong provins long 14 Mas. Olsem na ol i bin kam long Mosbi long painimaut hamas mani nesenei gavman bai givim ol. Tasol Mista Kwarara i bin tokim ol olsem em i gat planti wok na em i no inap lukim ol.

Mista Subam i tingting long kisim K1 milion long nesenei gavman. Flai Riva provinsal gavman i tingting long kisim K9 milion long mani plen bilong ol long dispela yia.

Ol bai kirapim K3 milion long provins yet. Narapela K6 milion bai kam long nesenei gavman na royalti mani long Ok Tedi Kampani.

Provinsal gavman i no amamas long planti samting Ok Tedi Maining kampani i mekim nau. Ol i no inap mekim wanpela toktok nau i go inap long taim ol i toktok wantaim ol bikman bilong Ok Tedi kampani.

Wok bilong kirapim ekonomik long provins bai stap long wok egrikalsa pis bisnis na bisnis bilong katim timba.

Mista Subam i tok olsem provinsal gavman bai mekim bikpela wok long lukautim ol dia long Bensbach eria bilong Westen provins. Ol bai salim mit bilong dia long ol arapela hap bilong PNG na tu long ol ovasis kantri.

Mista Subam i tok tu olsem Westen provins i gat planti diwai tu. Na long dispela taim i no gat wanpela bikpela wok bilong katim timba i stap long provins. Gavman bilong em bai lukluk gut long dispela na makim ol kampani husat inap long kisim bikpela mani i kam insait long provins long wok bilong katim timba.

Westen provins i gat nem tu long salim ol pis na kidam. Planti manmeri i save long mit bilong baramandi pis i bilong Westen provins.

New from Wrigley's


5t Per Piece



BIG G BUBBLE GUM

- Another Wrigley quality product
- Softer chew, blows big bubbles
- 50 pieces per bag
- 60 bags per carton


Mr Stoa Kipa hariap nau na askim ol Wholesale stoa man bilong nupela **BIG G** babol gam




• Stuffed Hawks Bill



• Salvadoris Teal



• Boeleni Python



• Dugong



• Long-snouted Echidna

30 SEATER CONVENIENCE



NISSAN CIVILIAN

Take a good look at the Nissan Civilian, Big, Comfortable seats, Expansive windows all around and a surprising amount of room inside. Plus dozens of other comforting touches to make "the ride" and "the drive" a sheer pleasure.

When you consider comfort, convenience, safety and driving ease, the Nissan Civilian is in a class all of its own.

Everywhere you look, you'll see reflected a genuine concern for the well-being and comfort of both passenger and driver.


No other compact-size bus offers more room for more passengers than the Nissan Civilian.

The long body can very comfortably seat 30 and still allows enough room between seats.

Everything about the Nissan Civilian is designed with the passengers' convenience and comfort in mind. Starting with the relaxing, pleasantly air-conditioned environment, from the huge, panoramic windows, down to the extra-wide entry/exit door.

Not to mention a thoughtful array of conveniences that make getting from one place to another a truly enjoyable experience.

Call in now and see the Good Guys at Boroko Motors and test drive today.



A highly practical and spacious driver's zone

GO SEE THE GOOD GUYS



BOROKO MOTORS NISSAN

• PORT MORESBY 25 5255 • LAE 42 1144 • RABAU 92 2777 • MADANG 82 2433 • MT. HAGEN 52 1413 • GOROKA 72 1848 • ARAWA 95 1566 • KAVIENG 94 2131 • ALOTAU 61 1291 • POPONDETTA 29 7175

PLANTI ol pipel long Papua Niugini i no klia olsem i gat lo i tambuim ol pipel long kilim o salim o baim sampela enimal, pisin na binatang bilong PNG.

I gat tripela lo i bosim ol enimal long bus na wara long Papua Niugini.

Ol dispela tripela lo em: 1. Fauna (Protection and Control) Act 2. Crocodile Trade (Protection) Act na 3. Customs Regulation. Namba wan lo Fauna (Protection and Control) Act i putim tambu long ol pipel i kilim o salim sampela enimal, pisin o

binatang. Na Minista bilong Envaironmen i ken tokaut long wanem ol enimal i stap aninit long dispela lo. Long 31 Novemba, 1968 gayman i tokaut olsem i gat tambu long kilim ol dispela samting; tarangau ol i kolim New Guinea Eagle, olgeta kain guria, wampela pato ol i kolim Salvadori's Teal, olgeta 33 kumul i

stap long Papua Niugini, tripela kain longpela nek pisin ol i kolim Large (white) Little (Snowy) na Plumed Egret, 7-pela bataplai ol i kolim Birdwing, tarangau ol i kolim Osprey na tupela kain pis ol i kolim Brown na Rainbow Trout (sapos longpela bilong pis i no winim 8 inses.) Long 13 Februeri 1975, gayman i tokaut tu

olsem i gat tupela moa enimal i stap aninit long dispela tambu. Ol dispela enimal em wampela kain mumut i save kaikaim ol anis. Nem bilong dispela mumut em Long-snouted Echidna. Na namba tu enimal em wampela moran ol i kolim Boelen's Python. Orait long 6 Me 1976, gayman i putim tambu tu long bulmakau bilong

solwara ol i kolim Dugong. Gavman i luksave olsem ol pipel bilong kantri bai painim taim sapos dispela tambu i bagarapim sindaun bilong ol. Olsem na long 21 Oktoba, 1968, gayman i tokaut olsem ol pipel bilong Papua Niugini stret i ken kilim ol dispela enimal, pisin na binatang. Tasol ol pipel i mas yusim pasin bilong tumbuna long mekim dispela wok. I tambu tru long yusim sotgan, dainamat o umben bilong ol waitman. Ol manmeri bilong ol ovasis kantri i ken kisim ol dispela enimal sapos ol i kisim tok orait pastaim long Seketeri bilong Envaironmen na Konsevesen.

I gat sampela bus, tais na ailan long PNG we i tambu long ol manmeri i kilim ol enimal i save stap long ol dispela hap. Ol i kolim ol dispela kain ples sanktueri (sanctuaries) o proteket eria (protected area). Ol papa bilong graun yet i askim gavman long putim dispela tambu. Na long sampela kain ples olsem i tambu long kilim olgeta enimal. Tasol long sampela eria em i tambu long kilim sampela enimal tasol.

Sampela bilong ol dispela kain ples we i gat tambu long en em: Balek, Crown Ailan na sampela hap bilong Long Ailan long Madang provins. Na long Baniara Ailan long Milen Be provins i gat tambu long kilim ol sikau. Long sampela ples long kantri ol papa bilong graun i save askim gavman long putim wampela kain lo long lukautim ol enimal i stap insait long hap bilong ol. Ol papa bilong graun i save makim wampela komiti long wok bung wantaim Minista bilong Envaironmen long kamapim ol lo


Ol lo i was long sampela enimal bilong PNG

Envaironmen long yusim dispela kain umben long holim ol pisin. I gat bikpela tambu tru long ol manmeri i kisim ol enimal bilong ol arapela kantri i kam na putim ol long ol bus bilong Papua Niugini. Tude i gat ol opisa bilong gavman husat i mekim wok bilong lukautim ol wail enimal long kantri. Ol i kolim ol dispela opisa ol rangers. I no gat planti bilong ol dispela opisa olsem na gavman i givim pawa long sampela opisa bilong DPI na sampela Provinsal Rurel Developmen opisa long kam mekim dispela kain wok bilong lukautim ol enimal i gat tambu long ol.

Ol pipel husat i kilim, o baim o salim wanem enimal i gat tambu long em bai inap long baim kot long K500 long wan enimal ol i kilim o salim. Sapos ol pipel i yusim sotgan long kilim ol dispela enimal bai ol i baim K1,000 long wan enimal ol i kilim. Namba tu lo Crocodile Trade (Protection) Act. Dispela lo i orait long ol asples Papua Niugini pipel i kilim ol pukpuk maski sapos ol i no gat laisens. Tasol ol i mas kisim tok orait long ol papa bilong graun pastaim. Ol ovasis manmeri long kisim laisens bilong kilim pukpuk sapos ol i stap long kantri moa long tupela yia. Pe bilong dispela laisens em K10 long wan yia.




• Leathery Turtle



• BirdWing Butterfly



• Reggina Bird of Paradise



• New Guinea Eagle

Ol arapela Wildlife Management eria i stap long Wes Nu Briten, Milen Be, Saten Hailans na Madang provins. Ol asples i putim tambu long ol pipel i kilim ol welpaul o kamautim kiau bilong welpaul, stapim ol pipel long katim ol diawai, putim tambu long ol pipel i yusim sotgan na stapim ol ausait pipel long painim abus samting long ol dispela eria.

Minista bilong Envaironmen i ken putim tambu tu long wanem kain samting ol pipel i inap long yusim long kilim ol enimal. Long 13 Februeri, em i putim tambu long ol pipel i yusim ol umben ol i kolim mist net. Ol pipel i mas kisim tok orait bilong Seketeri bilong

Envaironmen long kamapim ol lo bilong lukautim ol dispela eria. Ol dispela lo i toktok long pasin bilong kilim ol enimal, katim o kukim bus na hamas mani ol papa bilong graun i ken kisim long ol dispela samting. Wampela bilong ol dispela kain ples em Tonda Wildlife Management Area long hap bilong Westen provins. I gat lo i stapim ol ausait manmeri long go insait na kilim ol enimal long dispela eria. Ol turis i ken kilim ol enimal long wampela hap tasol long dispela eria. Tasol ol i mas baim laisens pastaim. Laisens i tok orait long ol i ken kilim indai, pato na kisim pis. Na mani bilong mekim dispela i go long ol papa bilong graun.

Sapos ol ausait manmeri i laik mekim ol narapela wok em inap long bagarapim sindaun bilong ol enimal long dispela eria, orait ol i mas askim Minista bilong Envaironmen pastaim. Na sapos ol papa bilong graun i tok orait, bai dispela kain wok i ken gohet.


Ol pipel o kampani husat i laik salim pukpuk i go long ol ovasis kantri i mas gat laisens bilong baim pukpuk na laisen bilong salim pukpuk i go long ol ovasis kantri. Laisens bilong salim pukpuk i go long ol ovasis kantri em K100 long wan yia. Sapos ol pipel i brukim dispela lo bai ol i baim kot long K400. Na gavman i ken pinisim dispela laisens sapos man husat i gat laisens i brukim lo i karamapim laisens bilong em.

Lo i bosim wok bilong baim na salim skin pukpuk i tokaut long pasin bilong katim skin bilong pukpuk na longpela bilong dispela skin. Ol pipel husat i gat


laisens bilong baim pukpuk bai kilim ol skin pukpuk i no inap ol gavman opisa long baim skin husat i was long dispela lo em ol wankain bilong en i winim mak opisa husat i mekim bilong 510mm. Na wok bilong lukautim ol enimal aninit long Fauna Act.

Namba tri lo i bosim ol wail enimal long PNG em ol i kolim ol man i baim skin pukpuk i mas mekim dispela bisnis long kanusi eria bilong ol tasol.

Ol pipel husat i gat bisnis bilong salim skin pukpuk i go ovasis i mas kisim tok orait pepa (export permit) long taim ol i laik salim ol skin i go ovasis. Lo i no tambuim ol pipel long kilim ol gras bilong pisin ol skin bilong ol enimal.



• Stuffed Hawks Bill




• Salvadoris Teal



• Boeleni P

30 SEATER CONVENIENCE



NISSAN CIVILIAN

Take a good look at the Nissan Civilian, Big, Comfortable seats, Expansive windows all around and a surprising amount of room inside. Plus dozens of other comforting touches to make "the ride" and "the drive" a sheer pleasure.

When you consider comfort, convenience, safety and driving ease, the Nissan Civilian is in a class all of its own.

Everywhere you look, you'll see reflected a genuine concern for the well-being and comfort of both passenger and driver.


No other compact-size bus offers more room for more passengers than the Nissan Civilian.

The long body can very comfortably seat 30 and still allows enough room between seats.

Everything about the Nissan Civilian is designed with the passengers' convenience and comfort in mind. Starting with the relaxing, pleasantly air-conditioned environment, from the huge, panoramic windows, down to the extra-wide entry/exit door.

Not to mention a thoughtful array of conveniences that make getting from one place to another a truly enjoyable experience.

Call in now and see the Good Guys at Boroko Motors and test drive today.



A highly practical and spacious driver's zone

GO SEE THE GOOD GUYS



BOROKO MOTORS

NISSAN

• PORT MORESBY - 25 5255 • LAE - 42 1144 • RABAUL - 92 2777 • MADANG - 82 2433 • MT HAGEN - 52 1413
• GOROKA - 72 1848 • ARAWA - 95 1566 • KAVIENG - 94 2131 • ALOTAU - 61 1291 • POPONDETTA - 29 7175

INTENTIONAL
DUPLICATE

PLANTI ol pipel long Papua Niugini i no klia olsem i gat lo i tambuim ol pipel long kilim o salim o baim sampela enimal, pisin na binatang bilong PNG.

I gat tripela lo i bosim ol enimal long bus na wara long Papua Niugini.

- Ol dispela tripela lo em:
1. Fauna (Protection and Control) Act
 2. Crocodile Trade (Protection) Act na
 3. Customs Regulation.

Namba wan lo Fauna (Protection and Control) Act i putim tambu long ol pipel i kilim o salim sampela enimal, pisin o


binatang. Na Minis bilong Envaironmen ken tokaut long wan ol enimal i stap ani long dispela lo.

Long 31 Novemba, 19 gayman i tokaut olsem gat tambu long kilim dispela samta tarangau ol i kolim New Guinea Eagle, olge kain guria, wanpela p ol i kolim Salvador Teal, olgeta 33 kumu



• Reggina Bird of Paradise

• New Guinea Ea



APROPRIET TEKNOLOJI

Insait


• Ol kumu bilong Papua Niugini - pes 14

• Saveman bilong wokim sospen graun - pes 15

• Stail wilwil - pes 16

• Ol meri i ronim klos bisnis - pes 16


• Ol yut grup kirapim bisnis bilong kirapim ol haus - pes 14




• Dokta Richard Burton



• Opis bilong ATDI long Lae



• Dokta Burton i opim liklik haidro pawa bilong Gain etpos



• Ol wokman bilong ATDI i wokim wangepela wara wil

"EM i man bilong Gain stret". Wangepela bikman bilong ples Gain long Morobe provins i bin mekim dispela tok taim em i givim wangepela bilum long Richard 'Dick' Burton, olupela Dairekta bilong Appropriate Technology Development Institute (ATDI).

Bikman ya i bin mekim dispela tok long soim bikpela amamas bilong ol pipel bilong Gain long nupela et pos wantaim wangepela liklik maikro haidro pawa em Dick yet wantaim ol wokman bilong ATDI i bin putim long Gain Komyuniti skul mun Novemba.

Yes yumi inap skruim dispela tok i go moa na tok "Em i man bilong Papua Niugini stret"

Dick i raun long planti ples olsem Wau, Pindiu, Kabwum, Derim na Siassi long Morobe provins

Man tru bilong Gain

JOY SAHURLAL i raitim

na long hailans long Aiyura, Asaro, Kunambau na Awi Katolik Misin. Wok raun bilong em i go long Sepik provins i go olgeta kamap long ol refuji kem long Vanimo. Em wantaim ol wokmanmeri bilong ATDI i save lukluk long kain kain askim olsem putim wara pam, haidro pawa yusim wara klap na kadamom draia.

Ol wokman bilong ekstensen tim bilong SPATF i save skruim wok bilong ATDI insait long planti narapela provins long kantri. Planti manmeri nau i save wokim ol liklik bisnis bilong ol long ol kain projek olsem sago pop, banana na kaukau sip na bret. Planti famili tu i gat wangepela dram oven i stap arere long haus long kukuim bret o wokim mumu. Ol manmeri long Kerema, Popondetta na samarai i save long ol wok bilong ATDI.

Dick Burton em i wangepela 'pap' o man husat i go pas long tingting na toktok long kirapim ATDI insait long PNG. Em i bin lukim bikpela nid long wangepela kain yunit olsem long kantri taim em i bin stap long Yunitek.

Stori bilong ATDU/ATDI

Bikpela tingting long kirapim wangepela yunit bilong wokim ol kain kain tul na masin long skel bilong Papua Niugini stret i

bin karim kaikai long 1977 taim ATDU,) Appropriate Technology Development Unit) i bin kamap. ATDU i kamap wangepela join projek namel long South Pacific Appropriate Technology Foundation (SPATF), University of Technology na Melanesian Council of Churches (MCC). As tingting bilong ATDU em long helpim ol pipel bilong PNG long ol kain kain tul na masin em bai helpim sindaun bilong ol na pasin bilong ol long ples.

Ol wokman bilong ATDU i laik helpim ol liklik grup bilong bisnis na gavman na sios i wok poroman long ol kain kain wok long helpim PNG long sanap lek bilong em yet.. ATDU i kamap long banis bilong Yunitek na i gat liklik woksap, na opis wantaim haus buk. ATDU i laik kirapim ol sumatin long Yunitek long tingim wok bilong kirapim ples.

Long 1982 ATDU i bin kamap wangepela institut na nau yumi senisim nem liklik na kolim em ATDI, Appropriate Technology Development Institute. Long 1986 ATDI i ronim na lukautim Liklik Buk Infomesen Senta. Liklik Buk Infomesen Senta em i projek bilong MCC wantaim 'SPATF' na em i gat biknem long salim *Liklik Buk*.

Richard Burton i kamap Dairekta bilong ATDI long 1984. Long 1973 em i

bin kamap wangepela tisa long Mechanical Engineering Dipatmen long Universiti ov Teknoloji, Lae. Long dispela taim tu Dick i bin go pas long planti komuniti projek wantaim ol pipel. Sikspela yia olgeta em i bin tism basik vihikel maintenens long ol praimer skul long Mumeng. Em wantaim ol studen bilong em long Yunitek i save bungim ol man bilong ples long maket na lainim ol long fiksim ol ka.

Em i save spenim 1-2 aua sampela apinun na lainim ol skul liva bilong Wes Taraka husat i save kam bung long woksap bilong dipatmen na lain long fiksim ka. Em i wok tisa inap 11-pela yia olgeta bipo long em i kamap Dairekta bilong ATDI long 1984.

Bipo long Dick i kam wok long Yunitek em i bin mekim wok olsem VSO volandia long kantri Tanzania, Afrika. Em i wok tisa long wangepela skul. Dick i raun mekim wok insait long planti third wol kantri inap 13-pela yia olgeta.

Long 1964 Dick i pinisim haikul long Andover Grama SKul long Ingran na bihain em i go skul long yunivesiti bilong Wales Institute of Science and Technology long 1968. Long em i kisim PhD bilong em long Reading University.

COLOR USED

Bisnis na teknologi nius

Ol man long ples i kisim helpim

MOROBÉ Provinsal Gavman i tok orait pinis long givim sampela dinau mani em inap olsem K125,523.26 i go long planti manmeri bilong kirapim ol kain liklik wok bisnis bilong ol insait long ples. Hia em ol distrik husat i kisim mani aninit long dispela skim: Finschafen K18,699 Huon K28,065 Kabwum K04,799 Kaiapit K22,944 Lae urban K12,690 Menyamya K19,998 Mumeng K03,989 Siassi Aila K10,000 Wau K04,388 Mista Kahu i bin tok tu i gat K74,476.54 i stap yet bilong husat i gat laik long kisim halivim.

Kas bilong man Zumim



Ol samting Francis i save salim long ol turis



Francis Nari

YU ting man bilong Papua Niugini stret i no inap bihainim pasin bilong waitman long guttaim? Waitman bilong guttaim i go insait long olgeta liklik ples kantri na givim tamiok, na stik tapak long ol pipel na kisim hap graun o mekim wok long ol. JOY SAHUM LAL i raitim Francis Nari bilong ples Zumim long Kaiapit sub distrik i gat liklik trik olsem tu ya. Mi bin bungim Francis taim mi wantaim wanpela wanwok, Peter Koge, wanpela Indastri Enginia i bin go lukim em long Zumim. Mipela harim olsem em i gat liklik poteri projek long ples. Francis i kam bungim mipela ma mipela askim em long projek bilong em. Em i tok sori olsem nau dispela taim bilong sana na graun i drai na em i no mekim sampela sospen. Francis i save wokim sospen kanaka, salim spun kanaka em ol wokim long sel kokonas, bun bilong pik bilong sapim banana na pilo kanaka. Peter i tokim Francis olsem mipela ol wokman bilong ATDI na i

stori liklik long wok bilong mipela long ATDI. Peter i tokim Francis olsem ATDI i save wokim simen wara na flawa pot na em i laik save sapos Francis i gat laik long wokim dispela tupela samting. Francis i tok em yet bai kam bungim mipela long opis bilong mipela long Yunitek na stori wantaim Peter long dispela tingting. Francis i kam long opis long wanpela apinun na toktok wantaim Peter. Bihain em i kam lukim mi na stori long wok bilong em. Long taim bilong papa bilong em ol waitman turis oi no turis ol i save ol pipel long Zumim i save salim sampela samting bilong tumbuna. Francis yet i no save tru husat i tokim ol kokonas, bun bilong pik bilong husat i go wok long hap long bipo i tokim ol. Em i lukim olsem i gat sampela samting em planti waitman i laikim tru long ol narapela na baim. Ol dispela samting em spun bilong tumbuna ol i save wokim long sel kokonas, bun bilong pik long rausim skin banana, pilo kanaka na sospen kanaka. Francis i lukim olsem i gat mani long dispela ol samting sapos em yet i ken

ronim liklik bisnis. Orait em i raun long olgeta liklik ples long Kaiapit na mumutim ol dispela samting. Tasol Francis i no save baim ol dispela samting. Em i gat wanpela liklik trik long kisim ol dispela samting. Francis i save go long taun na baim ol liklik samting olsem naip, tawel, blanket, han was, liklik redio na ol narapela liklik samting. Orait em i go senisim ol dispela samting wantaim ol tumbuna samting. Francis i tok "Ol man long ples i lus long ol kain samting olsem bilong taun. Na taim ol i harim olsem mi gat ol dispela samting i stap ol i save kam wantaim ol samting mi laikim na mipela senis." Francis i save lukluk gut tru long olgeta samting ol pipel i bringim long em. Sapos em i lukim olsem man i no sapim gut bun bilong pik bai em i tokim em long stretim pastaim na bihain em i ken kisim. Francis i tok em i kam sindaun nau olsem bai ol pipel husat i laik baim ol dispela samting i ken painim em hariap. Em i ronim tu wanpela liklik stua. Bai yu inap lukim sain bilong Francis i sanap klostu tasol long rot.


Yut grup kamapim bilding grup long ples

WANPELA Yut grup insait long hap bilong Saut Nasioi long Kieta Distrik, i wok long wokim ol gutpela haus kapa bilong ol pipel long ples bilong ol. Ol haus ol dispela lain i wokim long ples i wankain olsem ol haus em ol praivet kampani olsem ARCO na BODECO i wok long kirapim insait long taun. Wapela man husat i memba long dispela grup em Simion. Em i bin tok olsem em yet i bin statim dispela grup wantaim wanpela kandere man bilong em. Simion i bin tok olsem taim em i bin pinisim skul long Tinputz Vokesenel Senta em i no inap long painim wok long taun. Tasol sampela mun bihain em i bin kisim wok wantaim ARCO na em i bin wok kamda inap long tupela yia. Bihain em i bin go liv. Taim em i bin stap long ples em i bin wokim wanpela haus bilong em. Na taim ol man long ples i bin lukim na ol i bin askim em sapos em inap wokim bilong ol tu. Olsem na em i bin tok orait long wokim ol haus bilong ol. Bipo long Simion i stat wokim ol dispela haus em i bin kisim wanpela kandere man bilong em husat i bin pinisim skul long Tinputz Vokesenel Senta na tupela i bin statim wok. Simion i bin tok olsem taim tupela i bin stat wok ol i bin pinisim tupela haus namel long 4-pela mun. Simion i bin tok olsem taim tupela i bin pinisim dispela tupela haus, wanpela man bilong ples yet i bin askim ol long wokim haus bilong em. Bipo ol i bin statim wok long dispela haus ol i bin kisim narapela yangpela man long ples bilong ol yet na nau dispela grup i wok long wokim haus bilong man husat i bin putim oda long ol. Simion i tok tu olsem wok bilong ol haus i bin isi tru long wanem ol i bin baim planti timba bilong haus long wanpela wokabaut somil em i stap long ples bilong ol. Em i tok "Sapos mipela i bin baim ol timba long hap bilong taun, prais bilong em bai moa moa yet na tu bai mipela i baim ka gen long kisim i kam long ples." Em i bin tok tu olsem em i ting olsem grup bilong em i no inap malolo long wanem nau yet ol i gat planti oda bilong ol man long wokim haus bilong ol. Em i gutpela long wanem dispela wok i helpim ol yangpela man bilong ples.

Jemani developmen sevis skelim ol helpim

WANPELA bikman bilong Jeman Developmen Sevis (DED) i bin kam lukluk raun long Papua Niugini. Man ya Eberhard Jennerjahn i kam yet long Bonn insait long Wes Jemani. Long lukluk raun bilong em long Not Solomons provins, Mista Jennerjahn i bin tokim VIRTU (Village Industry Research & Training Unit) niuspepa olsem as tingting bilong raun bilong em insait long PNG em long lukluk long ol projek nau i wok long gohet. Na long lukluk long ol nupela projek em i gat nid long em long kirapim na olsem bai ol i ken givim helpim. Mista Jennerjahn i bin tok tu olsem i gat planti kain helpim ol i save givim long ol liklik kantri. Ol dispela kain helpim em long ol samting olsem salim ol saveman i kam na helpim long kirapim ol projek. Narapela kain helpim em long lukluk long ol projek em ol i kirapim pinis. Long dispela kain projek DED i save tasol mani long helpim projek. VIRTU niuspepa i bin askim em long hamas ol volantia bilong DED i wok long Papua Niugini. Mista Jennerjahn i bin tok olsem i gat moa long 30 volantia wokmanmeri insait long Papua Niugini. "Ol dispela volantia mipela i save putim ol long ol projek em lain bilong Papua Niugini i kirapim. Na wok bilong ol em long skulim ol man long ronim ol dispela projek" em i tok. Mista Jennerjahn i bin tok olsem Jeman Developmen Sevis i bilong helpim tasol ol projek, i no long kirapim ol nupela, nogat. Bikpela tingting bilong ol em long givim ol volantia saveman long wok wantaim ol pipel long ol projek na tu givim mani long ol projek em i no nidim saveman long ronim. I gat planti projek insait long Papua Niugini i kisim helpim pinis long Jeman Developmen Sevis. Sampela em ol volantia i wok wantaim ol na sampela DED i bin helpim tasol long givim mani na ol man long ples yet i ronim projek bilong ol. Insait long Not Solomons provins, DED i bin helpim pinis wanpela lain long hap bilong

Kain kain wok wantaim sel kokonas



Ipa Wai i soim ol samting em i wokim long kokonas

JOY SAHUM LAL i raitim K16. Na juleri boks em i samapim naispela braitpela hap laplap na glium insait long sel kokonas. Juleri boks i bilong ol meri long putim ol kain kain liklik planti samting olsem yau ring, bis, baten, ring bilong pinga na han na planti narapela liklik samting. Ipa Wai i gat nupela kain aidia tru long yusim sel kokonas. Em i baim drai kokonas long maket na rausim skin bilong en. Sampela taim em i katim na rausim tasol hap skin long kokonas. Bihain em i klinim gut tru dispela sel kokonas na katim het ol sampela hap raunim sel. Orait em i wokim lam stan. Em i baim soket bilong glob na plag na fitim insait long sel kokonas. Em i salim dispela long

JOY SAHUM LAL i raitim K16. Na juleri boks em i samapim naispela braitpela hap laplap na glium insait long sel kokonas. Juleri boks i bilong ol meri long putim ol kain kain liklik planti samting olsem yau ring, bis, baten, ring bilong pinga na han na planti narapela liklik samting. Ipa Wai i gat nupela kain aidia tru long yusim sel kokonas. Em i baim drai kokonas long maket na rausim skin bilong en. Sampela taim em i katim na rausim tasol hap skin long kokonas. Bihain em i klinim gut tru dispela sel kokonas na katim het ol sampela hap raunim sel. Orait em i wokim lam stan. Em i baim soket bilong glob na plag na fitim insait long sel kokonas. Em i salim dispela long

Kumu bilong PNG na kumu bilong Yurop

OL saveman i painimaut olsem: Kumu bilong Papua Niugini olsem aibika na aupu na ol sampela arapela tu, i gat moa samting bilong helpim bodi, na i winim ol kumu bilong Yurop long dispela wok. Olsem na mipela i wokim wanpela lista bilong soim ples klia dispela tok bilong ol saveman. (Lukim lis bilong kumu).

Kumu bilong Papua Niugini yet na i gat moa samting bilong helpim ai, winim kabis bilong waitman. Aibika i gat samting bilong helpim bun na blut, winim letas. Lip taro i gat moa samting bilong helpim skin na was long skin, winim kukamba. Orait, dispela i kamapim wanpela askim. Olsem wanem kumu bilong Papua Niugini i winim kumu bilong Yurop? As i olsem: Kumu bilong Papua Niugini em i as ples kumu. Papa God i skelim gut wantaim arapela kaikai olsem kaukau na taro na yam. Ol dispela kaikai i no gat planti vaiitamin na mineral. Olsem na ol kumu bilong ol i no gat planti vaiitamin tumas. Long Yurop tu Papa God i skelim gut. Kaikai bilong ol i wit na bali na outs. Dispela i gat planti vaiitamin na mineral. Olsem na ol kumu bilong ol i no gat planti vaiitamin tumas. Planim na lukautim ol kumu bilong Yurop, em i

hatwok liklik. Olsem na yumi no ken agris tumas long kumu bilong Yurop. Mi no tok long lusum olgeta. Nogat. Yu ken traun na planim. Sapos yu lukim i kamap gut long hap bilong yu, orait, yu ken wok long planim tupela wantaim, kumu bilong tumbuna na kumu bilong arapela kantri. Aibika em i namba wan kumu, i winim ol arapela kumu. Em i gat planti samting bilong helpim blut na was long sik, em dispela ol vaiitamin na mineral. Na tu, em i gat dispela samting bilong helpim bodi i kamap bikpela, em protin. Aibika i olsem wanpela marasin stret. Em i ken was long yu, taim yu stap gut, na em i ken helpim yu, taim yu gat sik. I gat kain kain aibika, bikpela lip na liklik lip. Aibika em i isi tru long planim. Katim stik bilong em na planim, or planim het bilong em, em tasol. Sapos yu laik planim klostu long haus bilong yu, long olpela graun, orait, yu no ken givim pekpek pik o kakaruk i go long as

bilong en. Putim pekpek bilong pik o kakaruk i go long kompos. Taim kompos i sting pinis, kisim na putim long as bilong aibika, na karamapim gut long gras samting. Tasol was gut na gras i no ken holim pas as bilong aibika. Long taim bilong ren, ol binatang i save kaikai aibika. Olsem na yu mas was gut long wara i no pulap tumas long graun, klostu long as bilong aibika. Gras na lip samting i no ken holim as bilong en. Taim lip bilong em i kamap planti, orait, man i save brukim nupela kru wantaim lip i no strong yet, na i larim bun i stap, na nupela kru i ken kamap gen. Em i ken wok long kamapim kumu bilong yu inap wanpela ol tupela yia, na bai em i kamap lapun. Aupa Aupa i save kamap gut long taim bilong ren. Taim san i laik pinis na taim bilong ren i laik kamap, dispela em i gutpela taim bilong wokim gaden aupa. Kisim pikinini bilong en na tromoi tasol i go long graun i gat wara. No ken karamapim. Taim em i kamap pinis na i sanap pas pas tumas, dispela em i namba wan taim bilong yu kisim. Kamautim wan wan na larim sampela i stap. Orait, namba tu taim, em i taim stret bilong kisim. Na long dispela taim yu no ken kamautim. Brukim kru tasol na larim as i stap na nupela kru i ken kamap bihain. Nupela kru i bikpela pinis, orait, brukim na kisim. Yu kisim olsem i stap i go i go na as i kamap lapun na bai em yet i dai.

Aibika

Aibika em i namba wan kumu, i winim ol arapela kumu. Em i gat planti samting bilong helpim blut na was long sik, em dispela ol vaiitamin na mineral. Na tu, em i gat dispela samting bilong helpim bodi i kamap bikpela, em protin. Aibika i olsem wanpela marasin stret. Em i ken was long yu, taim yu stap gut, na em i ken helpim yu, taim yu gat sik. I gat kain kain aibika, bikpela lip na liklik lip. Aibika em i isi tru long planim. Katim stik bilong em na planim, or planim het bilong em, em tasol. Sapos yu laik planim klostu long haus bilong yu, long olpela graun, orait, yu no ken givim pekpek pik o kakaruk i go long as

Aupa


Aupa i save kamap gut long taim bilong ren. Taim san i laik pinis na taim bilong ren i laik kamap, dispela em i gutpela taim bilong wokim gaden aupa. Kisim pikinini bilong en na tromoi tasol i go long graun i gat wara. No ken karamapim. Taim em i kamap pinis na i sanap pas pas tumas, dispela em i namba wan taim bilong yu kisim. Kamautim wan wan na larim sampela i stap. Orait, namba tu taim, em i taim stret bilong kisim. Na long dispela taim yu no ken kamautim. Brukim kru tasol na larim as i stap na nupela kru i ken kamap bihain. Nupela kru i bikpela pinis, orait, brukim na kisim. Yu kisim olsem i stap i go i go na as i kamap lapun na bai em yet i dai.

Tok bilong planim tupela kain kumu

Planim na lukautim ol kumu bilong Yurop, em i




Aupa



Aibika

Lista bilong ol kumu

Table with 5 columns: Nem bilong kumu, Samting bilong helpim ai (vaitamin A), Samting bilong helpim skin na was long sik kus (vaitamin C), Samting bilong helpim bun na tit (kalsium), Samting bilong helpim blut (ain). Rows include Aibika, Aupa, Lip taro, Kru kaukau, Kru pamkin, Kru sako, Letas, Kabis, Kukamba.



TOKSAVE LONG HUSAT I LAIK BAIM WANPELA LIKLIK BUK

Liklik Buk Infomesen Senta long Yunitek i amamas long tokaut long nupela Liklik Buk 1986. Wirui Press long Wewak i printim pinis dispela buk na nau ol lain bilong mipela long Village Equipment Suppliers, P.O. Box 2172, Lae i salim dispela na olgeta narapela buk bilong mipela. Kos bilong wanpela buk em K7.55. Yu husat i laik putim oda long baim dispela buk i mas rait i go long Village Equipment Suppliers o yu ken ringim ol long dispela tupela namba 42 4902 / 42 2337. Ol dispela lain i amamas tasol long salim buk long yu. Lukim prais lis bilong ol dispela buk bilong mipela daun bilo long toksave bilong wan wan buk.

TUPELA meri long Kamkumu long Lae i tok bisnis bilong tupela bai karim pes tambaran na ol kain kain mak bilong Papua Niugini stret.

Tupela susa, Pauline Ponifasio na Gloria Vue i mama long Crow Textiles, wanpela liklik tekstail printing bisnis long Kamkumu, Lae. Tupela meri ya i bilong liklik ples Wamira long Milen Be tasol nau tupela i stap long Lae.

Pauline i wanpela grafik disaina tasol em i no wokim dispela kain wok. Em i gat bikpela interes long tekstail printing. Em i laik printim ol laplap na disainim ol kain kain klos. Pauline i tok wok bilong disainim ol klos em i bikpela samting na em i laik lukim planti man na meri long Papua Niugini i mekim dispela wok.

Em i tok strong olsem, "ol planti disaina long wol nau em ol man na ol man bilong PNG i no ken lukim dispela wok olsem wok bilong ol meri."

Pauline i bin skul long Nesenel Arts Skul long 1977 taim dispela skul i bin stap anit long nem Kriativ Arts Senta. Long 1979 dispela skul i senisim nem na i kamap Nesenel Arts Skul. Skul i save givim diploma (setifiket) long ol sumatin husat i pinisim skul bihain long tripela

Crow Textiles - mak bilong PNG stret

JOY SAHUMLAL i raitim

ya. Pauline i go het skul inap em i kisim diploma bilong em long Grafic Design long 1982.

Bipo long Pauline i bungim tingting bilong em wantaim Gloria long statim dispela bisnis Pauline i bin wok wantaim Hamamas Prints bilong Lae. Em i lusim Hamamas Prints na nau em i wokim bisnis bilong em yet.

Pauline i tok tupela i statim dispela bisnis bilong tupela long Me 1987.

Gloria husat i save bosim ol pepa wok bilong bisnis bilong tupela i tok, "Mipela i statim bisnis wantaim K50 tasol. Mipela yusim dispela mani long baim laplap, printim na salim."

Pauline yet i wokim olgeta kain kain mak em ol i printim long laplap.

"Mi no yusim tasol ol mak bilong ples bilong mipela. Mi traim long yusim mak bilong planti hap bilong PNG."

Namba wan taim tru Pauline i save yusim kaukau long printim ol laplap. Em i katim kain kain mak long kaukau na putim long

pen na bihain em i penim long laplap. Tasol nau em i yusim skrin na bros long brosim pen i go kam long ol laplap. Dispela i givim tupela kala na stail tru long ol laplap.

Tupela i no printim ol laplap tasol nogat, tupela i printim na samap wantaim.

Pauline i tok, "Mipela i no gat paten bilong ol klos long samap. Sapos wanpela man o meri i laikim wanem kain klos em i tokim mipela. Mipela i save droim ol piksa long hap pepa long helpim dispela man long kli-aim tingting bilong mipela long wanem kain stail em i laikim."

Tupela i no save samap long ol kain kain laplap long stua. Tupela i samap tasol long ol laplap em tupela i printim.

"Mipela i mekim olsem bilong apim nem bilong ol mak bilong PNG na tu long tokaut long bisnis bilong mipela," Pauline i tok.

Gloria na Pauline wantaim i lain long samap taim tupela i stap long haikul. Tasol Pauline i save yusim bikpela taim bilong em long tingting na wokim ol kain kain mak na Gloria i



• Pauline i sanap wantaim ol laplap em i printim.



• Pauline na Gloria i soim sket na blaus bilong ol meri tupela i bin samapim.

save samap. Tupela i samapim laplap, laplap bilong tebol, siot, trausis, sket, dres na planti kain kain liklik samting.

Mi askim tupela long nem 'Crow Textiles'. Gloria i mekim wanpela liklik stori olsem, "Crow em i nem bilong pisin kotkot long tok Inglis. Taim papa bilong mitupela

Pauline i gat 4-pela krismas papa bilong em i dai. Mama bilong em i dai tu taim em i gat sikspela krismas. Na i nogat man i save lukautim em. Em i bun nating tru na i gat bikpela bel na skin bilong em i blak tru olsem kotkot. Ol manmeri long ples i save tok pilai long papa na kolim papa

kotkot bikos skin bilong em i blak olsem dispela pisin.

"Mitupela i laik tingim papa bilong mitupela yet olsem na mipela kolim dispela bisnis bilong mipela 'Crow Textiles'."

Yu husat man na meri long Lae i gat laik long lukim dis-

pela ol klos na laplap em Pauline na Gloria i printim na samapim bai yu ken painim ol long namba tu haus long han sut bilong yu klostu tasol long Bumbu bris, Kamkumu rot sapos yu wokabout o ron i kam long Kamkumu maket. Pe bilong olgeta samting tupela i salim i daun tru.

Wilwil trela bilong helpim ol manmeri

I no longtaim i go pinis ATDI i bin mekim wanpela wilwil trela na testim sapos dispela aidia i gutpela.


Kuman Kagl wanpela Simbu man husat i papa long 8-pela lon mova insait long Wes Taraka, Lae nau i yusim dispela trela. Kuman i save putim wanpela lon mova antap long trela na pasim long

baisikel bilong em na ronim i go long wanem hap em i katim gras.

As tingting bilong dispela trela em long karim ol liklik samting i go i kam long maket o salim long rot o pilai graun. ATDI i tingting olsem sapos planti man i laikim dispela aidia bai wanpela kampani insait long PNG yet i ken wokim na salim long ol pipel.



• Trela i stap long baksait bilong wilwil



• Dokta Burton i kisim sek long han bilong Mista Lyttle


UNDP helpim ATDI

PIKSA i soim olupela Dairekta bilong ATDI Dr Richard Burton i kisim sek long Lee Lyttle, Program Assistant bilong Yunaitet Nesens Developmen Program long Mosbi.


Dispela sekmani mas inap long K2,601.59. ATDI bai yusim dispela mani long putim ol liklik haidro pawa long ol et pos long givim lait na pawa long ol liklik ais boks bilong putim marasin.

Dispela helpim i kam yet long wan pesen (1%) mani bilong ol wokman bilong Yunaitet Nesens long yusim long ol projek long ol kantri. Ol i save kisim planti askim long olgeta hap na skelim gut tru bipo ol i givimaut dispela helpim mani.

Mipela i laik tok amamas long ATDI long winim dispela sek. ATDI i tingting long putim tupela haidro pawa long Hailans na Not Solomons provins.



ython



• Dugong



• Long-snouted Echidna

o i was long sampela mal bilong PNG

stap long Papua Niugini, i tripela kain longpela nek pisin ol i kolim Large (white) Little (Snowy) na Plumed Egret, 7-pela bataplai ol i kolim Bird-wing, tarangau ol i kolim Osprey na tupela kain pis ol i kolim Brown na Rainbow Trout (sapos longpela bilong pis i no winim 8 inses.) Long 13 Februari 1975, i gavman i tokaut tu

olsem i gat tupela moa enimal i stap aninit long dispela tambu. Ol dispela enimal em wangepela kain mumut i save kaikaim ol anis. Nem bilong dispela mumut em Long-snouted Echidna. Na namba tu enimal em wangepela moran ol i kolim Boelen's Python. Orait long 6 Me 1976, gavman i putim tambu tu long bulmakau bilong

solwara ol i kolim Dugong. Gavman i luksave olsem ol pipel bilong kantri bai painim taim sapos dispela tambu i bagarapim sindaun bilong ol. Olsem na long 21 Oktoba, 1968, gavman i tokaut olsem ol pipel bilong Papua Niugini stret i ken kilim ol dispela enimal, pisin na binatang. Tasol ol pipel i mas yusim pasin bilong tumbuna long mekim dispela wok. I tambu tru long yusim sotgan, dainamat o umben bilong ol waitman. Ol manmeri bilong ol ovasis kantri i ken kisim ol dispela enimal sapos ol i kisim tok orait pastaim long Seketeri bilong Envaironmen na Konsevesen.

I gat sampela bus, tais na ailan long PNG we i tambu long ol manmeri i kilim ol enimal i save stap long ol dispela hap. Ol i kolim ol dispela kain ples sanktueri (sanctuaries) o proteket eria (protected area). Ol papa bilong graun yet i askim gavman long putim dispela tambu. Na long sampela kain ples olsem i tambu long kilim olgeta enimal. Tasol long sampela eria em i tambu long kilim sampela enimal tasol.

Sampela bilong ol dispela kain ples we i gat tambu long en em: Balek, Crown Ailan na sampela hap bilong Long Ailan long Madang provins. Na long Baniara Ailan long Milen Be provins i gat tambu long kilim ol sikau.

Long sampela ples long kantri ol papa bilong graun i save askim gavman long putim wangepela kain lo long lukautim ol enimal i stap insait long hap bilong ol. Ol papa bilong graun i save makim wangepela komiti long wok bung wantaim Minista bilong Envaironmen long kamapim ol lo

bilong lukautim ol dispela eria. Ol dispela lo i toktok long pasin bilong kilim ol enimal, katim o kukim bus na hamas mani ol papa bilong graun i ken kisim long ol dispela samting.

Wangepela bilong ol dispela kain ples em Tonda Wildlife Management Area long hap bilong Westen provins. I gat lo i stapim ol ausait manmeri long go insait na kilim ol enimal long dispela eria. Ol turis i ken kilim ol enimal long wangepela hap tasol long dispela eria. Tasol ol i mas baim laisens pastaim. Laisens i tok orait long ol i ken kilim indai, pato na kisim pis. Na mani bilong mekim dispela i go long ol papa bilong graun.

Sapos ol ausait manmeri i laik mekim ol narapela wok em inap long bagarapim sindaun bilong ol enimal long dispela eria, orait ol i mas askim Minista bilong Envaironmen pastaim. Na sapos ol papa bilong graun i tok orait, bai dispela kain wok i ken gohet.

Ol arapela Wildlife Management eria i stap long Wes Nu Briten, Milen Be, Saten Hailans na Madang provins. Ol asples i putim tambu long ol pipel i kilim ol welpaul o kamautim kiau bilong welpaul, stapim ol pipel long katim ol diawai, putim tambu long ol pipel i yusim sotgan na stapim ol ausait pipel long go painim abus samting long ol dispela eria.

Minista bilong Envaironmen i ken putim tambu tu long wanem kain samting ol pipel i inap long yusim long kilim ol enimal. Long 13 Februari, em i putim tambu long ol pipel i yusim ol umben ol i kolim mist net. Ol pipel i mas kisim tok orait bilong Seketeri bilong

Envaironmen long yusim dispela kain umben long holim ol pisin.

I gat bikpela tambu tru long ol manmeri i kisim ol enimal bilong ol arapela kantri i kam na putim ol long ol bus bilong Papua Niugini.

Tude i gat ol opisa bilong gavman husat i mekim wok bilong lukautim ol wail enimal long kantri. Ol i kolim ol dispela opisa ol rangers. I no gat planti bilong ol dispela opisa olsem na gavman i givim pawa long sampela opisa bilong DPI na sampela Provinsal Rurel Development opisa long kam mekim dispela kain wok bilong lukautim ol enimal i gat tambu long ol.

Ol pipel husat i kilim, o baim o salim wanem enimal i gat tambu long em bai inap long baim kot long K500 long wan wan enimal ol i kilim o salim. Sapos ol pipel i yusim sotgan long kilim ol dispela enimal bai ol i baim K1,000 long wan wan enimal ol i kilim.

Namba tu lo Crocodile Trade (Protection) Act.

Dispela lo i orait long ol asples Papua Niugini pipel i kilim ol pukpuk maski sapos ol i no gat laisens. Tasol ol i mas kisim tok orait long ol papa bilong graun pastaim. Ol ovasis manmeri long kisim laisens bilong kilim pukpuk sapos ol i stap long kantri moa long tupela yia. Pe bilong dispela laisens em K10 long wan yia.

Ol pipel o kampani husat i laik salim pukpuk i go long ol ovasis kantri i mas gat laisens bilong baim pukpuk na laisen bilong salim pukpuk i go long ol ovasis kantri. Laisens bilong salim pukpuk i go long ol ovasis kantri em K100 long wan yia.

Sapos ol pipel i brukim displea lo bai ol i baim kot long K400. Na gavman i ken pinisim dispela laisens sapos man husat i gat laisens i brukim lo i karamapim laisens bilong em.

Lo i bosim wok bilong baim na salim skin pukpuk i tokaut long pasin bilong katim skin bilong pukpuk na longpela bilong dispela skin. Ol pipel husat i gat



• Leathery Turtle




• BirdWing Butterfly

laisens bilong baim pukpuk bai kilim ol. Ol gavman opisa long baim skin husat i was long dispela lo em ol wankain opisa husat i mekim bilong en i winim mak bilong 510mm. Na wok bilong lukautim bihain long 4-pela ol enimal aninit long mun ol i mas salim Fauna Act.

Namba tri lo i bosim ol wail enimal long long ol ovasis kantri i mas kisim tok orait pastaim long Seketeri bilong Envaironmen. Dispela lo i karamapim ol enimal husat i stap laip yet, ol enimal i dai pinis, ol gras bilong pisin o ol skin bilong ol enimal.

Ol pipel husat i gat bisnis bilong salim skin pukpuk i go ovasis i mas kisim tok orait pepa (export permit) long taim ol laik salim ol skin i go ovasis. Lo i no tambuim ol pipel long kilim ol gras bilong pisin o pukpuk sapos ol i ting



Ol Katolik bisop egensim nupela lo Ramoi laik kamapim

KATOLIK Bishop Konprens bilong PNG na Solomon Ailans i agensim tru long dispela nupela lo Komyunikesen Minista, Gabriel Ramoi i laik kamapim long kantri. Dispela nupela lo i bilong bosim wok bilong autim ol nius na progrem bilong radio, television na ol niuspepa.

Presiden bilong Katolik Bisops Konprens, Gerald Deschamps, vais-pres-

iden Asbisop Benedict ToVarpin, jeneral sekreteri Asbisop Michael Meiere na eksekutiv Bisop Karl Hesse i bin autim tok-tok long nem bilong olgeta bisop.

Ol bisop i tok, i gat planti eria em Minista i mas skelim na glasim gut pastaim arait bihain em i ken tingting long kamapim dispela lo. Ol bisop i tok dispela nupela lo bai stapim ol pipel long autim tingting bilong ol long wanem samting ol i no amams long en.

Ol i tok i gat 6-pela bikipela hevi long dispela lo.

1. Bai ol manmeri i no fri long autim tingting bilong ol long ol niuspepa o redio o television.

2. Gavman na wok politik inap long bagarapim wok bilong ol niuspepa na redio. Na ol niuspepa na redio bai i no inap fri tumas long mekim wok bilong ol.

3. Gavman i laik hariap tumas long kamapim dispela lo. Ol manmeri bilong Papua Niugini i no gat sans long autim

tingting bilong ol long dispela nupela lo gavman i laik kamapim.

4. I no gat gutpela as long sanapim dispela lo. Dispela lo i no soim olsem em bai helpim ol pipel bilong Papua Niugini.

5. Gavman i no glasim dispela wok painimaut em Kalo Komiti i bin mekim. Dispela komiti i bin raun na kisim tingting bilong ol pipel na ol i raitim ripot. Em i stretpela pasin bilong ol

demokretik kantri we olgeta pipel i gat sans long autim tingting bilong ol. Nau gavman i givim baksait long dispela ripot na em yet i laik kamapim lo we ol manmeri i no bin gat sans tu long autim tingting bilong ol. Em i pasin bilong demokretik kantri o?

Dispela lo bai kalapim ol gutpela wok na tingting bilong gavman long ol samting em i laik kamapim long kantri.



• Bisop Deschamps



• Asbisop ToVarpin



• Asbisop Meiere

Wes Irian misineri lukautim Gerehu Yunaitet Sios

MOA long 500 pipel i bin bung long Gerehu Yunaitet Sios long tok amamas long nupela pasta bilong ol.

Nem bilong pasta ya em Salamu Sawor. Em i gat 42 krismas na em i bilong ples Biak insait long Wes Irian.

Gerehu Yunaitet sios i no gat pasta inap long tripela wik olgeta. Pasta bilong ol i bin transfere go long Niugini ailan.

Siaman bilong Gerehu Kongrigesen Gima Temu i tok welkam long nupela pasta.

Em i tok, olgeta pipel i mas tenkim bikipela papa long salim Pasta

Sawor long kam long PNG.

Mista Temu i tok, eksampel bilong Pasta Sawor i soim olsem wok bilong God i bikipela samting. Maski sapos i gat planti ol toktok politik namel long PNG na Indonesia, Pasta Sawor i no painim hev long kam long kantri long mekim wok misin.

Em i askim olgeta memba bilong Yunaitet sios long wok bung wantaim nupela pasta

Suprintenden minista bilong Not Is, William Morea i askim olgeta memba bilong Gerehu kon-

gresesen long mekim famili bilong Pasta Sawor i pilim amamas.

Pasta Salamu Sawor i pinisim skul bilong em long Teolojikal Koles long Jakarta, Indonesia na bihain em i go mekim wok misin long Holan na Jemani. Na bihain long wanpela yia long dispela tupela kantri em i kam wok long PNG.

Em i kamap long Mosbi long 1 Julai las yia. Na em i bin wok long Yut Seksen bilong Yunaitet Sios.

Pasta Sawor em i bilong Evangelikel Kristen Sios bilong Wes Irian.

Kaunsil ov Sios bilong Indonesia na Melanesian Kaunsil ov Sios i bin stretim rot bilong Pasta Sawor long kam long PNG.

Pasta Sawor i tok, ol sios i gat kain kain stori bilong ol tasol ol i kam long wokim wanpela wok tasol.

Em i tok namba wan samting em i mas mekim nau em long lainim pasin tumbuna bilong PNG long painimaut we God i ken wok insait long dispela kain ol nupela pasin.

Em i tok i tru i gat planti ol toktok politik i kamap tasol yumi olgeta i bung long wanpela samting taso, em long liptimapim nem bilong God.

Pastor Sawor i marit na em i gat 4-pela pikinini.

Bomana Plis Bareks i gat nupela haus lotu

PLANTI pipel i bin kamap long Bomana Plis Koles long stap insait long opening bilong nupela haus lotu long Sarere, Janueri 30.

Olgeta sios i bin bung na wokim dispela haus lotu. Ol sios em Katolik, Luteran, Yunaitet na Engliken.

Insait long dispela bung, ol hetman bilong wan wan sios i bin kamap. Pater Michael Hunt i makim Engliken, Reveran Willie Walter i makim Luteran,

Reveran Albert ToBurua i makim Yunaitet sios na Pater Barry Hanson na Bisop Brian Barnes i makim lotu Katolik.

Olgeta wok bilong dispela haus lotu i bin pinis long 1979 tasol i no gat ol pom bilong sindaun olsem na ol i no opim. Olsem na long dispela yia ol i bin opim bikos nau i gat ol pom na tebol na sia bilong sindaun.

Ol lain kristen bilong Bomana i tok bikipela tenk yu i go long ol man husat i helpim long sapotim ol na wokim dispela haus lotu.

TRI MINIT TINGTING

Strongim Bel

Wanpela muvi sta, nem bilong em Eva, i gat biknem na biknamba, tasol em i les pinis na em i ting long pinisim laip bilong em. Em i wokabaut long nait na i go klostu long bikipela riva na i sanap arere na i laik kalap i go daun. Nau wanpela strongpela man i kamap bihain long em na i holimpas solda bilong Eva na i tok strong olsem, "Nogat. Yu no ken mekim olsem. Bai yu painim bikipela trabel moa."

Man i pulim Eva i kam long ples i gat lait na i lukim pes bilong bikipela muvi sta na em i kalap nogut. Em i tok, "Mi sori tru long lukim yu bin painim kain taim nogut olsem dispela. Mitupela meri bilong mi, mipela i save go lukim olgeta muvi we yu stap insait long en. Long wanem, ol toktok bilong yu insait long muvi i save helpim mitupela i sindaun hepi tru."

Nau man i wokabaut wantaim Eva na tupela i go bek long haus. Eva i tenk yu long em na i tok, "Inap longpela taim na planti yia, mi bin putim olgeta strong na save bilong mi i go insait long ol muvi. Na inap long nau mi no bin kisim bek wanpela liklik gutpela tok long ol pipel i bin lukim ol muvi bilong mi. Tasol tok bilong yu i strongim bel bilong mi na i senisim tingting bilong mi nau. Yu yet yu bin sevim laip bilong mi."

Eva i wok sampela yia moa insait long ol muvi. Tasol bihain em i kamap sista na em i dai olsem wanpela holi meri tru.

Yumi olgeta i olsem dispela muvi sta Eva. Sampeta taim i luk olsem ol manmeri i no kea liklik long yumi. Na long taim yumi les olsem, yumi stap olsem graun malumalu long han bilong Seten... Em i

ken mekim long yumi olsem em i laik; yumi no kea liklik.

Insait long yumi, yumi gat wanpela laik bilong helpim man ol meri i gat wari. Sapos bikipela man i pait wantaim liklik man, yumi oltaim i save sambai long liklik man; yumi laik bai em i winim bikipela. Sapos man o meri o pikinini i kra i na i karim pen, yumi save go na traim helpim em. Olgeta bebi i pulim yumi, bikos i no gat.

Ol papamama i save moa yet long pulim na strongim bel bilong ol pikinini long taim ol i lainim wokabaut o toktok. Mama i pulim bebi long gutpela kaikai o tok gris o tok amamas. Maski yumi bikipela pinis, dispela sem kain ol samting i save strongim bel bilong yumi long go het long taim nogut. Yumi laik harim narapela i tok olsem long yumi: "Gutbai!" "Mekim save!" "Givim siksti." "Yu win tru!" "Kas bilong yu!" "Em nau!"

Tasol ol dispela tingting i no ken strongim bel, sapos yumi no tokautim ol na narapela i no harim. Pasin sarap i no strongim bel.

Long Nupela Testamen yumi ken painim i gat 40 ples we dispela tok "strongim bel" i kamap.

Man o meri i strongim bel bilong narapela long toktok bilong em, em i olsem meri i winim sit bilong paia na nau em i lait. Em i olsem ren i mekim kunai i drai pinis i sanap na i kamap grinpela gen. Em i olsem lait bilong san i opim ol bikipela flawa bilong tais na ol lip bilong marmar tri i slip long nait.

EMTV are the 1ST in PNG to present

GIGOT

Friday 5th 8.30pm

(PGR) Parental Guidance Required

STARRING: Jackie Gleason
Kathrine Kath.

**COCKLESHELL
HEROES**

Saturday 6th 9.00pm

(PGR) Parental Guidance Required.

STARRING: Jose Ferrer
Trevor Howard.

**HALF A
SIXPENCE**

Sunday 7th 7.30pm

(G) General


STARRING: Tommy Steele
Cyril Richard
Julia Foster

**THE
ITALIAN JOB**

Wednesday 10th 8.30pm

(AO) Adults Only

STARRING: Michael Caine
Noel Coward
Raf Vallone
Rossano Brazzi



EM TV

We're leading the way!

KOKONAS em i bun bilong planti manmeri long Papua Niugini na long planti arapela kantri long Pasifik na tu long Asia.

Ol pipel i save dringim wara bilong kulau na ol i save yusim ol drai long grisim kaikai tu.

Ol arapela lain i save katim namel bilong diwai kokonas na sanapim olsem pos bilong haus. Na ol i save yusim lip bilong kokonas long rup bilong haus. Long dispela taim tu i gat planti bisnis ol pipel i ken wokim long kokonas.

Mit bilong drai o kopra i save kamapim wel bilong kukim kaikai, ol kain kain sop na kendel. Bikipela wok bilong kopra em long wokim ol wel bilong kukim kaikai.

Long dispela taim i gat bikipela resis namel long ol lain husat i save mekim kopra na ol lain husat save groim soya bin long Amerika

Ol i save yusim soya bin tu long wokim wel bilong kukim kaikai.

Ol Asia kantri skelim bisnis bilong kokonas

Olsem na ol kantri long Pasifik na Asia husat i groim kokonas i tokaut pinis olsem ol mas painim ol arapela rot bilong wok bisnis long kokonas. Ol i bin mekim ol dispela tok tok long wanpela bikipela bung long Malaysia long kristmas las yia.

Malaysia yet i bin kirapim dispela bung. Na ol soim kain kain samting ol i save wokim long kokonas. I bin gat resis long selim kokonas na long goapim kokonas tu. Ol i soim bris ol i wokim long plang bilong kokonas tu. L R Seneviratne bilong Sri Lanka i bin winim resis bilong goapim kokonas.

Long dispela taim tu Malaysia i lukluk gen

long bikipela wok ol i bin mekim long tokim ol pipel long dringim planti kokonas wara.

Malaysia i bin mekim dispela wok long apim pe bilong ol drai. Taim dispela wok i bin stat planti drai i stap nating na pe bilong ol i daunbilu tru. Tasol i no long taim na ol kulau i pinis. Em nau pe bilong ol drai i go antap gen. Praim Minista bilong Malaysia Dokta Mahathir Mohamad, i bin opim dispela bung.


Em i tok long dispela taim olsem pe bilong kokonas i go antap moa na gavman bilong em i no helpim ol kokonas groa nau. Kokonas em i wanpela diwai bisnis long

Malaysia. Em i kam bihain long welpam, raba na rais.

Kokonas long Malaysia yet save kisim US\$65 milion long wan wan yia. Tasol dispela em i 2% bilong mani ol i save kisim long ol samting ol save salim long ol arapela kantri.

Bikipela wok bilong kirapim ol kokonas i stap wantaim ol smolholda. Ol arapela kokonas save kirap wantaim ol kakao. Kakao em i narapela bikipela diwai bisnis long Malaysia tu.

Long dispela taim Eksekutiv Dairekta bilong Asia Pasifik Kokonas Komyuniti (APCC) Mista P G Punchihewa tok olsem olgeta kantri husat i save salim kokonas i



mas wok bung wantaim long stretim ol hevi ol i painim nau.

Em i tok "Kokonas em i bin stap wantim ol pipel bilong Asia na Pasifik longpela taim tru olsem na yumi mas lukautim gut."

Long 1986 ol kantri aninit long APCC i groim 9.3 milion hekta kokonas. Filipins i go pas wantaim 3.26 hekta na Indonesia i bihainim ol wantaim 3.18 milion hekta kokonas. India em i stap namba tri.

Mista Punchihewa i

tok olsem long bihaintaim bai ol i salim ol kokonas namel long ol kantri husat i wok long develop yet, olsem Papua Niugini.

Filipin yet save saplaim 75% bilong wel bilong kokonas long wol. Dispela em i 6% bilong olgeta wel bilong ol diwai ol i save salim long wol. Mausman bilong ol long dispela bung Dokta M V Santiago i tok olsem Filipins i bin salim planti kopra tru long 1986. Long dispela taim tu ol i bin salim planti ara-

pela samting ol i bin wokim long kokonas.

Mausman bilong Indonesia Dokta Sutrisno i tok olsem "Long yia 2000 bai Indonesia i sot long kokonas wel sapos ol hevi i stap nau i stap yet."

Wok kokonas i bin pundaun liklik long Indonesia tasol planti lain i baim kokonas nau. Olsem na Indonesia i bin baim 40 milion ton kokonas long Malaysia long wokim kokonas wel.

Long Beng ov Saut Pasifik, em i isi tru long sevim mani long taim bilong haus bilong yu yet.

Go for Goal!

Statim wanpela Beng ov Saut Pasifik 'Goal' seving akaun tude...em yu bihainim gutpela rot!

SEVIM MANI LONG

- Wok stretim bilong haus
- Skul fi
- Ka registresen na insurens
- Ol nupela tebol na sia samting bilong haus
- Baim tiket long go long ples
- Sevim mani long helpim yu kisim lonmani

1 Em i isi. Yu yet tingim wanem 'GOAL' yu laikim long taim yu opim akaun.

2 Mipela bai givim yu 'Goal' deposit buk i gat K10 o K20 ol mak bilong mani long en.

3 Long taim yu laik putim mani long beng, yu givim tasol mani na ol pepa i makim hamas mani yu laik putim the insait long akaun. Em tasol. No gat man bai askim yu ol kain kain kwesten. Nogat.

4 ... Bai yu kisim gutpela Interesmani. Bikos long ol 'Goal' akaun, i no inap yu autim mani bilong yu. Inap long taim yu inapim 'Goal' o mak yu yet i makim, orait, yu ken rausim mani. Bai mipela i givim gutpela interes inap long 6.5 pesen long olgeta mani i winim K100.

Raitimaut olgeta tok tok long dispela fom na kisim i go long wanpela hanopis bilong Beng long yu.

Nem:

Adres:

Mi laik statim

'GOAL' bilong mi em i: My Goal is:

Mi ting mi ken sevim K.... olgeta mun.

Port Moresby, Boroko, Waigani, Lae, Mt. Hagen, Rabaul, Arawa, Kieta, Buka, Kundiawa, Banz, Wabag.

GO FOR GOAL!
Sevim mani long wanpela isi we tru long Beng ov Saut Pasifik

PGS. 21
EMTV are the 1ST in PNG to present

BISNIS


Saturday 3.00 pm
Sunday 9.30 pm

(G) General

In this week on the Bisnis Program with host Mark Sapias and reporter Elizabeth Harima, we look at :-

Mangrove Resources in PNG and whether it can be economically harvested.

And PTC's expansion with it's latest opening of a new Communication Centre in Port Moresby.



PNG TONITE

Hosted by Buruka Tau and Helen Copeland

Thursday 9.30 pm. (G) General

We take a look at the 24 hour tucker shops around the city

Then we dine out at Coyles Bistro.

And we find out what the Spectrum Controller is ???

CHOPPER SQUAD


Tuesday 7.30 pm (PGR) Parental Guidance Required.

In this weeks thrilling episode the Chopper Squad rescue a potential suicide from a cliff edge, rescue a motor bike rider and saves the life of an old woman who is trapped by a fallen tree.

RETURN TO EDEN Sequel EPISODE 12

Tuesday 8.30 pm (AO) Adults Only

Stephanie Harper loses Eden, and then through a tragic misunderstanding loses Dan too. Jilly manipulates Dan into a compromising situation, one that Stephanie witnesses. Tom proves that Stephanie is not his true mother, but will Sarah believe him?



EM TV

We're leading the way!



Koraea i bungim hevi

Wanpela hevi nau bikos ol
 i koraea long provinsa. Kabi-
 la bilong em i no wanbe. Las
 i kor Mande em i bin makim 4-
 oia minista oisem dairekta
 bilong Galp Investmen
 Kopresen bihain long em i
 i kausim oigeta dairekta bilong
 i kope.

Wanpela Investmen Kopresen em i
 i kausim bilong Galp Provinsal
 Gavman.

Wanpela olpela dairekta em
 i Mekere Morauta husat i bin sia-
 ian bilong bot Mista Morauta
 em i Manesing Dairekta olong

Papua Niugini Benging
 Kopresen

Minista husat i kamap
 dairekta nau em. Leo Kavaua
 i kausim na plening)

Solomon Lae (Health) Ridler
 Kimave (Commerce) na Semea
 Sea (Egrikalsa na Laipstok).

Ol arapela nupela dairekta em
 Roseva Rovela, Kuberi Epi na
 Andrew Maiu.

Fainans Minista long gavman
 bilong Koraea, Joye Harevila i
 tok olsem em i no inap luksave
 long ol dispela nupela dairekta.

Em i tok olsem primia i no gat
 pawa long makim ol nupela
 dairekta.

Sabumei laik Wingti mas tokaut long ileksen mani bilong PDM

MEMBA bilong
 Ungai Bena, Ben
 Sabumei, salensim
 Praim Minista,
 Paias Wingti, long
 tokaut long wanem
 hap em i kausim
 mani bilong 1987
 ileksen kempen
 bilong Pipels

Demokretik Pati.

Mista Sabumei i tok,
 Mista Wingti i painim
 olsem i no gat rong
 long Jeneral Murdani
 i givim mani long
 helpim Ted Diro na
 Pipels Eksen Pati
 long 1987 ileksen.

Mista Sabumei i tok,
 i no oigeta kandidatet i

save kausim mani long
 Pati bilong ol long
 kempen. Tasol, ol Pati
 na ol lida bilong Pati i
 save kausim bikpela
 mani tru long ol bisnis
 lain long PNG na long
 ol kantri tu.

Mista Sabumei i tok,
 planti taim ol memba
 i save tokaut long

Ombudsman Komisn
 long ol wok bisnis
 bilong ol. Tasol, bai
 moa gutpela sapos
 Praim Minista na ol
 narapela lida bilong ol
 wan wan politikal
 Pati i tokaut long ol
 wok bisnis na wanem
 hap ol i save kausim
 mani long helpim pati
 bilong ol.

Mi les long go long ol pati

DIA LAIPLAIN,

Meri bilong mi i ting
 mi no laikim em
 bikos mi no save
 kausim em i go long ol
 danis o long ol pati.

Meri bilong mi save
 go long ol pati tu
 tasol mi no save go
 long ol ples ol i save
 salim ol bia na ples ol
 pipel i save spak.

Mi save dring spak
 taim mi no marit yet.
 Tasol mi stapim dispela
 pasin long taim
 ol dokta i bin mekim
 mi i luksave olsem
 pasin bilong dring
 spak i ken bagarapim
 laip na bodi bilong
 man.

Meri bilong mi bin
 amamas tru long
 taim mi bin stapim
 pasin bilong dring.
 Tasol mi no laik go
 long ol pati wantaim
 meri bilong mi. Mi
 save tokim meri
 bilong mi olsem
 mipela mas stap long
 haus na lukautim ol
 pikinini.

Mi save jeles tu long
 taim mi lukim meri
 bilong mi i danis
 wantaim ol arapela
 man.

NON-DANCER

DIA PREN,

I luk olsem yu no
 save toktok wantaim
 meri bilong yu long ol
 samting i kamap long
 laip bilong yutupela.

Em i gutpela pasin
 long tokim meri
 bilong yu long ol hevi
 bilong yu. Yu ken stat
 nau na tokim meri
 bilong yu long ol dispela
 samting yu bin
 raitim long dispela
 pas.

Yu ken tokim em
 bilong wanem tru na
 yu no laik go long ol
 pati. Tokim em olsem
 yu pret long pasin
 bilong dring na spak.
 Tokim em olsem yu no
 laik lusim ol pikinini
 wantaim ol arapela
 lain.

Tokim em tu olsem
 yu no amamas long ol
 dispela kain samting.

Orait yu mas harim



Sapos yu gat
 wanpela wari,
 salim pas i go long
 Laipplain, P.O. Box
 6047, Boroko. Yu
 ken ringim tu long
 telepon namba 25
 7711

bekim bilong em long
 ol toktok bilong yu
 Nau yupela ken pasim
 tok long wanem sam-
 ting yupela bai ama-
 mas long mekim wan-
 taim.

Yupela i mas save
 olsem long marit laip.
 tupela marit i mas
 save long kausim na tu
 long givim.

Sampela taim bai
 gutpela sapos yu
 mekim ol samting yu
 no laik mekim long
 amamasim meri
 bilong yu. Bai gutpela
 sapos meri bilong yu
 mekim wankain pasin
 tu.

Sapos yupela i autim
 tingting bilong yupela
 bai yupela i ken luk-
 save long ol samting
 yupela ken amamas
 long mekim wantaim.

Em i gutpela long
 stap wantaim ol
 pikinini bilong yupela.
 Tasol ol arapela taim
 yu mas lusim ol
 pikinini na stap wan-
 taim meri bilong yu.

Na sampela taim bai
 gutpela sapos yu go
 raun wantaim ol poro
 bilong yu. Bai gutpela
 tu sapos meri bilong
 yu i go raun wantaim
 ol arapela meri tu.

Yu mas save olsem
 planti meri i no laik
 stap long haus oigeta
 taim. Ol laik raun
 lukim ol wantok o go
 long maket o mekim
 ol arapela samting.

MI LAIPLAIN

New

Dunhill De Luxe
25's

Always in good taste

Created by our blenders from tobaccos of exceptional quality

Also available in 15's

dunhill

Ol Saure tok bai ol i wet inap mun Jun

OL PIPEL bilong Saure kiostu long Wewak Is Sepik i givim 5-peta mun long nesenei gavman long stretim kompensesen bilong graun em Kaindi Tisas Kaies i sindaun long em.

Ol pipel i pasim tok insait long wanpela miting i bin kamap las wik Fraide.

Insait long dispela miting, Minista bilong Lens Karl Swokin na ol bikman bilong gavman i bin sindaun wantaim ol lida bilong ples long stretim dispela hevi.

Ol mausman i bin tokaut long minista olem watpo tru na gavman i no laik harm toktok bilong ol namba wan miting em ol i bin ol wokim bipo.

Mausman bilong ol pipel Andrew Warsian i tok ol pipel i wet longpela taim tru na i no gat wanpela samt-



•Kala Swokin

ing bin kamap. Em i tok em i amamas tru long minista nau i tokait olem em yet bai lukluk long dispela hevi.

Mista Warsian i tok stat long nau i go inap long Jun, gavman i mas stretim ol dispela

samting.

Em i tok tru olem Kaindi Tisas Kaies na Demonstrasi skul tu bai op. Na sabos gavman i no baim dispela mani harap orait ol pipel bai sasim dispela tubela skul.

Em i tok ol pipel i wanbel ol sem ol bai i no inap long bagarap ol tisa o sumatin. Tasol sapos Jun i kamap na i no gat wanpela samtting em gavman mekim orait ol pipel bai go askim olgeta sumatin na tisa long lusim pies na ol pipel i ken sindaun.

Primia bilong Is Sepik Bruce Samban i tok amamas long olgeta man i kamap long dispela miting.

Ol pipel bilong Saure pies i bin pasim skul las Disemba las yia bikos gavman i no bin baim kwik graun. Na ol i bin askim gavman long baim K1 milion long dispela graun i sindaun long em.

Ol Australia nevi sip bai kam long PNG

TRIPLELA bikpela sip bilong nevi bilong AUSTRALIA bai kam lukluk raun long Mosbi, Kieta, Kavieng, Wewak na Madang.

Bos bilong ol Difens Staf long Mosbi Kepten Paul Gilmour Walsh i tok ol dispela tripeia sip em HMAS Cook, na Launceston na Bendigo.

Em i tok HMAS Launceston bai go long Kieta (Februeri 1-2), Kavieng (Februeri 3-5), Wewak (Februar 6-8) na Madang (Februeri 9-10). Kepten bilong


dispela sip Lufeland na Amanda M. Ke Burton i tok ol grup i ken mekim lukluk raun taim ol sip i sua long wan wan bris.

Na narapela tripeia sip HMAS Cook na HMAS Bendigo bai kamap long Mosbi long Februar. Ol bai mekim sipela stadi pasim long Woodlark pasim na Normandy Bay.

Ol i wokim ol HMAS Cook long kamap long mekim sip long bikpela soiwat Kepten Gilmour Walsh i tok i go pasim na...

bos bilong ol difens staf... ol mekim sipela stadi pasim... ol mekim sipela stadi pasim...

Ol i wokim ol HMAS... ol mekim sipela stadi pasim... ol mekim sipela stadi pasim...



Congratulations

LAKI HAS DONE IT AGAIN, AND THIS TO THE FOLLOWING PEOPLE


Mrs Anastasia Jubilee Taule

(Pictured below) won her Mazda 4x4 utility in Rabaul from a one Kina ticket she bought from Steamships Trading Company, Rabaul. She is seen here with the General Manager of Steamships Trading Company displaying the Laki ticket. Well done Anastasia and happy motoring.



Mr Samson Aua

(Picture below) won his Mazda 1600 utility in Menali from a one Kina 4x4 Laki ticket he bought from Yasi Tan in Menali. He is seen here receiving the keys to the Mazda Ute (pictured in the background) from the Sales Manager of PNG Motors in Lae, Morobe Province. Well done Samson and happy motoring.



There are many more vehicles to be won in your Strongpela Laki 4x4 tickets, so ACT NOW and buy your Strongpela Laki 4x4 ticket today. Your ticket could be a winner today.



Department

FI SABSIDI NA KISIM MOA PIKININI

Bai i no gat fri edukesen long Papua Niugini long 1988. Tasol Minista bilong Edukesen, JOSEPH AOAE i tokaut olsem gavman bai gohet yet long givim helpim mani na kirapim progrem bilong bringim moa pikinini i go long ol komyuniti skul.

Minista Aoae i tok olsem long 1988 Nesenei Gavman i putim K4.8 milion long helpim ol komyuniti skul na long helpim long kisim moa pikinini long ol komyuniti skul.

Em i tok mani ya bai go long helpim skul fi em ol provinsal edukesen bot i makim long baim ol komyuniti skul, vokesenel skul na Koles ov Ekstenel Stadi (COES).

Gavman bai givim K10 long wan wan pikinini long helpim skul fi bilong em long ol provins. Ol haikul bai i no inap long kisim dispela helpim bikos gavman i laik helpim ol komyuniti skul tasol olsem bai moa pikinini i ken gat sans long statim skul.

Samting olsem 155,000 pikinini long Papua Niugini i no bin skul long 1987 bikos i no gat spes long ol skul. Olsem na dispela K4.8 milion bai helpim long kisim moa pikinini i go insait long ol komyuniti skul long kantri.

Mista Aoae i tok bikpela tingting bilong gavman nau em long lukim olsem ol pikinini krismas bilong ol i stap namel long 7 na 12 yia i gat sans long skul.

Em i tok gavman i laik lukim olgeta pikinini long Papua Niugini i gat sans long skul. Na aninit long dispela fi subsidi ol provins bai kisim moa mani. Ol komyuniti skul, vokesenel skul na COES bai kisim K3,933,610. Na narapela K866,390 bai go long progrem bilong kisim moa pikinini i go long ol skul.

Aninit long dispela subsidi skim, gavman bai givim K10 long wan wan studen. Em i K7 moa long mani gavman i bin givim las yia. Las yia gavman i bin givim K3.07 tasol.

Hia em eksampel bilong dispela fi subsidi:

1. Sapos komyuniti skul fi long wanpela provins em K12, orait gavman bai baim K10 na papamama bai baim K2 tasol.
2. Sapos provins i makim K27 long skul fi, orait gavman bai baim K10 na papamama bai baim K17.
3. Sapos skul fi long provins em K7, bai gavman i baim K10 na ol papamama bai i no inap baim. Dispela K3 lepova bai stap long han bilong skul long mekim wanem kain wok skul i gat long mekim. Ol dispela skul we skul fi i stap aninit long K10 bai kisim fri edukesen.

of Education

**PROGREM BILONG
LONG OL KOMYUNITI SKUL**



Minista i tokaut olsem dispela lista daunbilu i soim hamas mani wanwan provins i kisim long dispela fi subsidi. Em i tok bai ol i givim mani inap long mak bilong ol pikinini i skul long ol dispela provins. Na mani bilong mekim ol skul i kisim moa pikinini bai i wankain long olgeta provins.

BREAK UP OF K4 800,000 FOR FEE SUBSIDY AND COMM. SCHOOL EXPANSION

PROVINCES	1987 ENROLMENT (The Base)			TOTAL ENROLMENT	FEE SUBSIDY RATE		ALLOCATION FOR EXPANSION	TOTAL FOR PROVINCES
	COMM. SCH	VOC. CENTRE	C.O.E.S.		STUDENT	TOTAL (K)		
1. WESTERN	7,520	78	-	7,598	K10	75,980	40,780	116,760
2. KLM	5,314	204	-	5,518	K10	55,180	"	95,960
3. GULF	8,555	171	-	8,726	K10	87,260	"	128,040
4. N.C.D.	18,320	858	-	19,178	K10	191,780	"	232,560
5. CENTRAL	17,813	183	-	17,996	K10	179,960	"	220,740
6. MILNE BAY	17,120	254	-	17,374	K10	173,740	"	214,520
7. ORO	10,612	251	-	10,863	K10	108,630	"	149,410
8. S.H.P.	24,103	176	-	24,279	K10	242,790	"	283,570
9. E.H.P.	32,672	141	-	32,813	K10	328,130	"	368,910
10. SIMBU	19,370	156	-	19,526	K10	195,260	"	236,040
11. W.H.P.	27,264	850	-	28,114	K10	281,140	"	321,920
12. ENGA	16,060	173	-	16,233	K10	162,330	"	203,110
13. MOROBE	37,358	780	-	38,139	K10	381,380	"	422,160
14. MADANG	25,337	332	-	25,669	K10	256,690	"	297,470
15. W. SEPIK	13,261	337	-	13,598	K10	135,980	"	176,760
16. E. SEPIK	28,267	430	-	28,697	K10	286,970	"	327,750
17. MANUS	4,017	149	-	4,166	K10	41,660	"	82,440
18. NEW IRELAND	9,921	279	-	10,200	K10	102,000	"	142,780
19. E.N.B.P.	19,480	305	-	19,785	K10	197,850	"	238,630
20. W.N.B.P.	13,501	294	-	13,795	K10	137,950	"	178,730
21. N.S.P.	18,134	251	-	18,385	K10	183,850	"	224,630
C.O.E.S.	-	-	12,710	12,710	K10	127,100	-	127,100
Audits and Mercy Committee (NDOE)	-	-	-	-	-	-	-	10,010
T O T A L	363,999	6,652	12,710	393,361		3,933,610	856,380	4,800,000

Namba aninit long lista 7 em namba ol i kisim long taim ol i skelim K10 long namba bilong ol studen long wan wan provins.

Na namba long lista 8 em mak bilong mani gavman bai skelim i go long wan wan provins long apim namba bilong ol pikinini long gret 1 na pe bilong ol tisa husat bai skulim ol pikinini long ol nupela klas ya.

Mista Aoae i tok wan wan provins bai kisim K44,824 long dispela progrem bilong putim moa pikinini long ol skul.

JOSEPH AOAE, MINISTA BILONG EDUKESAN.

WANTOK**TOKSAVE BOKIS 252500**

pes 26

BELATED BIRTHDAY GREETINGS

Happy Birthday to:
MS MICHELLE BANONO



Who turned 16 on the
27-1-88

Hapy sweet sixteen birthday greetings to you from: Your big sis, Theresa, husband, Jacob Marjen plus your three children. Bro. Stevie Banono, Sis-inlaw, Robie. S. Banono, Sis Veronica, Bro David, Bro Ian, Sis Petronela, Friends Liveni & Sharon.
All of N.SP. B.O.L.A in your future.

Birthday Greetings to

Thrisa Paul Peter

who turned 2 on 31-1-88
Birthday Greetings from Patterson Paul, Roy, Allen, Yapi and Dad Elisah Paul & Mum Magaret.
All of Shell Madang.
Happy Birthday!!

Mi wanpela boy save wok long Ok Tedi Mining Company laikim Pen Pren wantaim yangpela man na yangpela meri long dispela kantri. Sapos husat i laik rait, orait rait tasol long dispela adress:

DAVID KUNIA

Ok Tedi Mining Ltd,
P.O. Box 257,
Tabubil, Western Province,
Mi bai amamas long bekim olgeta pas sapos mi kisim planti pas.

Salim Toksave,

Betde Gritings na Painim wok i kam long:
Wantok Niuspepa.
P.O. Box 1982,
Boroko.

BELATED BIRTHDAY GREETINGS

HENRY DINA ZAMUNU

you turned 2 years on 28th January 1988. Happy Birthday from mum and dad, uncles and aunties, you grannies in Tamba, West New Britain, and also from bubu Zamunu, all uncles and aunties of Bau Village, Morobe Province. May God richly bless you and guide you in your future years to come.

Belated Happy 1st Birthday to

JOYCE ZAMUNU on 21st January 1988. Birthday greetings from Mum and Dad, uncles and aunties in West New Britain also from bubu Zamunu, cousins, uncles and aunties of Bau Village, Morobe Province. Lastly from Name Sake Joyce Nukuinu God will always bless and guide you in you future years to come.


BIRTHDAY GREETING

MATHEW SIMON KOMIT

You will turn 3 years old on Saturday 6-2-88.
Happy Birthday getings and Best Wishes, from Mathew Laro & family, Kubunias Taman & family, uncles, aunties and all the Bubus of Arawa, and at Rabuana Peles. Para tai mero Rabaul. Wewak from uncle Mano Matlaun, also from the uncles of Karoona haus, Panguna, and lastly from you mum Sunaim, Dad Komit. Little sister Sinimil. Also Patimos, Emos, Kualalum and Alfred.

TOKSAVE

Husat i laik baim dispela Muruk i ken ringim



JOSEPH KAU
long telepon 25 2500.

TOKSAVE**NTN GUIDE EM TV**

THURSDAY 4 FEBRUARY 1988

3:55	NTN	MEDITATION	(G)	6:30	EMTV	NATIONAL EMTV NEWS	(G)
3:57	EMTV	STATION OPEN	(G)	6:35	NTN	WONDERFUL WORLD OF DISNEY	(G)
3:58	EMTV	EMTV NEWS BREAK	(G)	7:00	EMTV	WEBSTER	(G)
4:00	NTN	ROMPER ROOM	(G)	7:29	NTN	BIG DOG GOODNIGHT	(G)
	EMTV	SESAME STREET	(G)	7:30	NTN	LOVE BOAT	(PGR)
4:30	NTN	SIMON TOWNSEND'S WONDERWORLD	(G)		EMTV	MOVIE	(G)
						Half a Sixpence	
5:00	NTN	FAMILY AFFAIR	(G)	8:30	NTN	MOVIE	(PGR)
	EMTV	KIDS KONA	(G)			The Shadow Riders	
5:25	NTN	COMMUNITY NOTICE BOARD	(G)	10:15	NTN	LATE NEWS	(G)
				10:25	EMTV	BISNIS	(G)
5:30	NTN	MY THREE SONS	(G)	10:45	NTN	MEDITATION	(G)
	EMTV	GILLIGANS ISLAND	(G)	10:50	NTN	STATION CLOSE	
6:00	NTN	NTN NEWS SPORT AND WEATHER	(G)	11:25	EMTV	SOFTBALL HIGHLIGHTS	(G)
				11:55	EMTV	ROAD TO CALGARY	(G)
	EMTV	TOP CAT	(G)	12:25	EMTV	STATION CLOSE	
6:30	EMTV	NATIONAL EMTV NEWS	(G)				
6:35	NTN	M*A*S*H	(G)				
7:00	NTN	NEW DICK VAN DYKE SHOW	(G)				
	EMTV	HAPPY DAYS	(G)				
7:29	NTN	BIG DOG GOODNIGHT	(G)				
7:30	NTN	A COUNTRY PRACTICE	(PGR)				
	EMTV	POWERS OF MATTHEW STAR	(G)				
8:29	EMTV	EMTV NEWS UPDATE	(G)				
8:30	NTN	MAGNUM P.I.	(PGR)				
	EMTV	SPECIAL SQUAD	(AO)				
9:30	EMTV	PNG TONITE	(G)				
	NTN	KUNG FU	(PGR)				
10:00	EMTV	JULIA	(G)				
10:50	EMTV	STATION CLOSE					
	NTN	NTN LATE NEWS	(G)				
11:00	NTN	MEDITATION					
11:05	NTN	STATION CLOSE					

FRIDAY 5 FEBRUARY 1988

3:55	NTN	MEDITATION	(G)	6:30	EMTV	NATIONAL EMTV NEWS	(G)
3:57	EMTV	STATION OPEN	(G)	6:35	NTN	M*A*S*H	(G)
3:58	EMTV	EMTV NEWS BREAK	(G)	7:00	EMTV	HAPPY DAYS	(G)
4:00	NTN	ROMPER ROOM	(G)		NTN	DIFFRENT STROKES	(G)
	EMTV	SESAME STREET	(G)	7:29	NTN	BIG DOG GOODNIGHT	(G)
4:30	NTN	SIMON TOWNSEND'S WONDERWORLD	(G)	7:30	EMTV	FLYING DOCTORS	(G)
					NTN	WORLD AROUND US	(G)
5:00	NTN	FAMILY AFFAIR	(G)	8:28	EMTV	EMTV NEWS UPDATE	(G)
	EMTV	KIDS KONA	(G)	8:30	EMTV	MINI-SERIES 'Holocaust'	(PGR)
5:25	NTN	COMMUNITY NOTICE BOARD	(G)		NTN	IT TAKES A THIEF	(PGR)
					NTN	QUINCY	(PGR)
5:30	NTN	MY THREE SONS	(G)	9:30	EMTV	EM REPORT	(G)
	EMTV	TOM & JERRY	(G)	10:30	EMTV	NTN LATE NEWS	(G)
6:00	NTN	NTN NEWS SPORT AND WEATHER	(G)		NTN	NTN LATE NEWS	(G)
				11:00	EMTV	ROAD TO CALGARY	(G)
	EMTV	TOP CAT	(G)		NTN	MEDITATION	(G)
6:30	EMTV	NATIONAL EMTV NEWS	(G)	11:05	NTN	STATION CLOSE	
6:35	NTN	M*A*S*H	(G)	11:30	EMTV	STATION CLOSE	
7:00	EMTV	HAPPY DAYS	(G)				
	NTN	DIFFRENT STROKES	(G)				
7:29	NTN	BIG DOG GOODNIGHT	(G)				
7:30	EMTV	FLYING DOCTORS	(G)				
	NTN	WORLD AROUND US	(G)				
8:28	EMTV	EMTV NEWS UPDATE	(G)				
8:30	EMTV	MINI-SERIES 'Holocaust'	(PGR)				
	NTN	IT TAKES A THIEF	(PGR)				
9:30	NTN	QUINCY	(PGR)				
10:30	EMTV	EM REPORT	(G)				
11:00	EMTV	NTN LATE NEWS	(G)				
11:05	NTN	STATION CLOSE					
11:30	EMTV	STATION CLOSE					

SATURDAY 6 FEBRUARY 1988

12:25	NTN	MEDITATION	(G)	6:30	EMTV	NATIONAL EMTV NEWS	(G)
12:30	NTN	BIG DOG AND FRIENDS	(G)	6:35	NTN	M*A*S*H	(G)
1:30	NTN	MOVIE	(G)	7:00	NTN	IT'S A LIVING	(G)
		Gypsy			EMTV	HAPPY DAYS	(G)
2:57	EMTV	STATION OPEN	(G)	7:29	NTN	BIG DOG GOODNIGHT	(G)
2:58	EMTV	EMTV NEWS BREAK	(G)	7:30	NTN	A COUNTRY PRACTICE	(PGR)
3:00	EMTV	BISNIS	(G)		EMTV	CHOPPER SQUAD	(PGR)
4:00	NTN	TARZAN	(G)	8:28	EMTV	EMTV NEWS UPDATE	(G)
	EMTV	BATMAN	(G)	8:30	NTN	SEVEN BRIDES FOR SEVEN BROTHERS	(G)
4:30	EMTV	BIG LEAGUE SOCCER	(G)		EMTV	RETURN TO EDEN	(AO)
5:00	NTN	GILLETTE WORLD OF SPORT	(G)	9:30	EMTV	EMTV SPORTS SCENE	(G)
5:30	EMTV	DANIEL BOONE	(G)		NTN	TRAPPER JOHN	(PGR)
6:00	NTN	NTN NEWS SPORT AND WEATHER	(G)	10:30	EMTV	ROAD TO CALGARY	(G)
					NTN	NTN LATE NEWS	(G)
6:30	EMTV	NATIONAL EMTV NEWS	(G)	11:00	NTN	MEDITATION	(G)
6:35	NTN	OCEAN QUEST	(G)		EMTV	STATION CLOSE	
7:00	EMTV	INCREDIBLE HULK	(G)	11:05	NTN	STATION CLOSE	
7:29	NTN	BIG DOG GOODNIGHT	(G)				
7:30	NTN	MOVIE	(G)				
		Goldie and the Boxer go to Hollywood					
8:00	EMTV	BJ AND THE BEAR	(PGR)				
8:58	EMTV	EMTV NEWS UPDATE	(G)				
9:00	EMTV	MOVIE	(PGR)				
		The Cooksheel Heroes					
9:20	NTN	WORLD CHAMPIONSHIP WRESTLING	(PGR)				
10:20	NTN	VICTORY AT SEA	(G)				
10:50	NTN	NTN LATE NEWS	(G)				
10:55	EMTV	ROAD TO CALGARY	(G)				
11:20	NTN	MEDITATION	(G)				
11:25	NTN	STATION CLOSE					
	EMTV	STATION CLOSE					

SUNDAY 7 FEBRUARY 1988

1:25	NTN	MEDITATION	(G)	6:30	EMTV	NATIONAL EMTV NEWS	(G)
1:30	NTN	JIMMY SWAGGART	(G)	6:35	NTN	M*A*S*H	(G)
		MINISTRIES		7:00	EMTV	HAPPY DAYS	(G)
2:30	NTN	PERSPECTIVE	(G)		NTN	MY FAVOURITE MARTIAN	(G)
2:57	EMTV	STATION OPEN	(G)	7:29	NTN	BIG DOG GOODNIGHT	(G)
2:58	EMTV	EMTV NEWS BREAK	(G)	7:30	NTN	KNIGHT RIDER	(PGR)
3:00	NTN	BLACK BEAUTY	(G)		EMTV	ALL CREATURES GREAT AND SMALL	(G)
	EMTV	K.T.V.	(G)	8:28	EMTV	EMTV NEWS UPDATE	(G)
3:30	EMTV	BONANZA	(G)	8:30	NTN	CADES COUNTY	(PGR)
	NTN	MOVIE	(G)		EMTV	MOVIE 'The Italian Job'	(AO)
		2nd Street		9:30	NTN	T.J. HOOKER	(PGR)
4:30	EMTV	SPORTS WORLD	(G)	10:25	EMTV	ROAD TO CALGARY	(G)
5:00	NTN	I CAN JUMP PUDDLES	(G)	10:30	NTN	NTN LATE NEWS	(G)
5:30	EMTV	SOLID GOLD	(G)	10:55	EMTV	STATION CLOSE	
6:00	NTN	NTN NEWS SPORT AND WEATHER	(G)	11:00	NTN	MEDITATION	(G)
				11:05	NTN	STATION CLOSE	

G GENERAL EXHIBITION
PGR PARENTS GUIDANCE REQUIRED
AO ADULTS ONLY

BIPO, bipo tru i gat wanpela diwai wankain long magro i bin sanap arere long wanpela wara. Nem bilong dispela diwai em Lala long tokples Toaripi insait long Gulf provins. Wanpela pikinini bilong dispela diwai i mau na redi long pundaun.

Long de nau, wanpela kuka i lusim hul bilong em long tais na i kam malolo i stap aninit long dispela diwai.

Dispela kuka i no kuka nating, nogat, em i wanpela lapun meri husat i bin tanim olsem kuka.

Kuka i malolo pinis, orait em i kirap na wok long kisim tret long han bilong wanpela wail saksak long wokim bilum. Taim i wok long taitim bun i stap long kisim string bilong bilum, em harim wanpela nek i kam long pikinini diwai i tok, "Kuka, mi laik pundaun tasol yu pasim ples. Inap yu surik liklik?"

Kuka i harim olsem na i tok, "Em i orait, yu pundaun. Mi les long kirap na i go sindaun long narapela hap."

Em nau pikinini diwai i pundaun na hamaim stret baksait bilong tarangu kuka ya.

Man kuka i pilim pen na i belhat nogut tru olsem na em i surik i go antap long pikinini diwai na brukim long namel. Taim kuka i go pinis orait dispela tupela hap pikinini diwai i surik i kam na bung gen.

I long taim nau, dispela pikinini diwai i tanim olsem wanpela liklik meri na i kolim em yet long Lalafare-mori.

Em i raun lukluk i go na kamap long wanpela wara. Klostu long wara i gat wanpela hul long maunten na meri i wokim haus bilong em long dispela hul.

Long moning taim em i kirap na kisim tret long han bilong wail saksak na wokim umben long painim pis. Taim umben i pinis, em i kisim i go daun long wara na banisim ol liklik pis i stap.

Long taim em i kisim inap pinis orait em i boinim ol long san na bihain em i kaikai. Narapela de gen em i mekim olsem yet. Tasol long dispela taim em i kisim ol bikpela pis, olsem na em i save, ol bikpela pis i no inap long san i kukim ol gut.

Em nau em i save

olsem em i mas painim paia bilong kukim pis bai em i ken kaikai gut. Lalafare-mori i kirap na goapim wanpela longpela diwai na i wok long lukluk long smok bilong paia. Em i lukluk i go long hap san i go daun na bihain taim em i laik lukluk i go long hap san kamap na em i lukim smok i kamap.

Em nau Lalafare-mori klap i kam daun long diwai na i bihainim smok bilong paia i go. Long taim em i go kamap long ples we em i bin lukim smok bilong paia, em i lukim wanpela haus na dua bilong em i op i stap.

Orait wantu Lalafare-mori i klap i go insait na em i lukim wanpela manki i slip i stap. Lek bilong dispela manki i sot tru.

Lalafare-mori i lukim sampela banana na saksak na em save olsem em ol kaikai. Olsem na taim em i laik lusim haus em i kisim wanpela hap paia wantaim bilum na pulmapim saksak na banana na karim i go.

Sotpela lek ya, Mikaekapo i slip gut tru i stap na i no save olsem meri ya i kisim ol samting na i karim i go pinis. Long apinun taim papamama bilong Mikaekapo i kam bek long haus na painim olsem sampela

Stori bilong Lalafare mori

samting i lus ol i kirap na krosim nogut tru Mikaekapo.

Long narapela de gen wankain samting

Orait long wanpela taim nau, Mikaekapo i giaman long slip na em i was i stap. I no long taim nau na meri ya i kam kamap na i go insait long haus. Wantu tasol Mikaekapo i kirap na holimpasim em.

Lalafare-mori i kra na tokim Mikaekapo long lusim em tasol manki ya i kirap kisim em na putim em i go insait long wanpela bikpela sospen t u m b u n a n a karamapim sospen.

Taim papamama i kam bek long gaden ol i lukim Mikaekapo i kra i stap olsem na ol i askim em. Em bekim na tokim tupela olsem em i hangre.

Mama bilong em harim olsem na em i kukim saksak na givim em. Tasol taim manki ya i lukim wanpela plet tasol em i kra long narapela plet gen. Orait mama i givim em narapela plet.

Em i kirap kisim

Lalafare-mori na tupela i go long rum bilong em na hait kaikai i stap.

Mikaekapo i tokim papamama bilong em olsem dispela meri tasol i save stilim kaikai. Papamama tok bai tupela i lukautim em olsem pikinini i kamap. Long taim Mikaekapo i slip i stap, Lalafare-mori i kam na stilim sampela banana na saksak na karim i go. Taim papamama i kam kamap long haus ol i krosim gen Mikaekapo.

Em nau Lalafare-mori i stap wantaim ol na kamap bikpela meri olgeta.

Long wanpela taim, Lalafare-mori i bihainim laik bilong waspapa na mama bilong em na kisim ol i go long ples bilong em. Ol i stap long ples bilong em na olgeta taim wasmama bilong em i save kisim em i go long nambis na Lalafare-mori i save pilai long traime skelim susu bilong em.

Long wanpela taim nau papamama bilong Mikaekapo i laik go

bek long ples bilong ol olsem na ol i tokim Mikaekapo long stap na was long Lalafare-mori taim em i pilai long nambis.

Wanpela taim, Mikaekapo i was i stap na em i slip. Lalafare-mori i pilai pinis na i go daun long wasim pes bilong em. Wanpela man i tanim olsem bataplai flai i kam na paitim pes bilong em. Lalafare-mori i kirap krosim bataplai na ron i go long nambis na pilai i stap.

Narapela taim gen Lalafare-mori i wok long pilai i stap na dispela bataplai, Pipi, i flai i kam na karim em i go long ples bilong em na maritim Lalafare-mori.

Mikaekapo i wet i stap na taim Lalafare-mori i no kam bek, em i kirap na bihainim lek bilong Lalafare-mori i go kamap long si. Taim em i lukim olsem no gat mak bilong lek i go bek long nambis, em i kra nogut tru.

Papamama billong em i kam na Mikaekapo tokim ol



olsem Lalafare-mori i lus pinis. Tupela i belhat nogut tru na kirap paitim tarangu Mikaekapo, na tokim em long stap inap long taim em i painim Lalafare-mori gen.

Klostu wanpela yia i laik pinis nau na long wanpela nait Lalafare-mori i kamap long drimam long wasmama bilong em na tokim wasmama tu long salim wanpela man i go daun na wetim em wantaim man bilong em na pikinini bilong tupela long nambis.

Orait long moning

taim tru, Mikaekapo i go daun long nambis na wet i stap. Klostu belo nau, Mikaekapo i lukim kanu.

Taim Mikaekapo i lukim olsem, em i kirap na ron i go singautim papamama bilong em. Ol tripela i kamap long nambis na lukim olsem Lalafare-mori, man bilong em na pikinini bilong tupela i kam asua pinis na wet i stap. Orait Mikaekapo na papamama bilong em i kisim ol na i go long haus.

Sampela mun i pinis nau na Pipi i lukim olsem tupela tambu bilong em i save wok hat tru long painim kaikai, olsem na em i askim ol long go wantaim ol long hap san i go daun, we gat planti kaikai. Em nau Mikaekapo na papamama bilong em i kirap stretim ol samting na ol i go wantaim Pipi, Lalafare-mori na pikinini bilong ol.

Mehari Avosa, Mosbi.



bilong dispela gavman dipatmen.

13. Meri i save go pas long program bilong ol pikinini long NTN televisen.

16. Samting bilong skelim kaikai.

19. Boroko Motors.

20. Man i go pas.

21. Namel long ol aposel, John em i ... bilong Andrew.

23. Binatang i save dring blut bilong man.

25. Ol man bilong narapela ples i go hohide na raun long narapela ples.

27. Wanpela alan long hap bilong Nu Aulan Provins.

28. Wanpela han bilong NBC long Mosbi.

29. Wanpela kain loh.

30. Lusita.

33. Binen.

35. Ples bilong givim sut.

37. Yau.

SKRUIM TOK

Crossword puzzle grid with numbers 1-40 indicating starting points for words.

Lep i go long rait

- 1. Ol sid bilong diwai em ol man i save ropim na meknais long taim bilong singing.
6. Yu inap long mekim wanpela samting.
9. Maria ... i mama bilong Jisas.

- 10. Man i save prenim dispela enimal.
11. Wanpela kain pis.
12. Bilong putim insait long pilo.
15. Is Sepik Provins.
17. Amerika.
18. Long taim ol klap i go patrol ol i save karim dispela kain bek long

- baksait bilong ol.
22. Tin o botol i no gat kaikai i stap insait long en.
23. Yu tasol.
24. Televisen kampani long PNG.
26. Narapela nem bilong kau.
29. Asosiesen bilong ol kain pablik sevan.

- 31. Kantri long wol we i gat lo i tambuim ol blakskin pipel long bung wantaim ol waitman.

- 32. Primia bilong Not Solomons Provins.

- 34. Institut ov Aplaid Sosial Ekenomic Dvelopmen.

- 36. Man i save lukluk long en.

- 38. Rabaul em i biktaun bilong dispela hap bilong Nu Briten.

- 39. Yunaitet Nesens.

- 40. Nem bilong papa bilong Michael Somare.

Antap i go daun

- 1. Man i gat mani long beng sampela taim i save karim dispela buk.

- 2. Wanpela ples balus long Ambunti Distrik, Is Sepik.

- 3. Ol Kristen i save ... God.

- 4. Kastam bilong ol Hagen long taim bilong kilim pik.

- 5. I orait.

- 6. Taim bilong makim ol memba.


- 7. Ol hap pepa bilong pilai laki.

- 8. Adam ... Eva.

- 12. Ted Diro em i minist

Completed crossword puzzle grid with words filled in.

WANTOK



Tupela soka klap i no baim fi yet

POT Mosbi Soka Asosiesen (PMSA) i gat tupela wik moa long statim kik bilong 1988 sisen. Tasol nau i gat tupela soka klap i no baim yet afiliesen fi bilong ol. Ol dispela tupela

klap em Rapatona na Air Niugini.

Sekreteri bilong PMSA, William Vui i tok, de bilong baim afiliesen fi i pas pinis long Janueri 29 na ol i wetim tasol tupela klap ya.

Mista Vui i tok, i gat 14 klap bai kik long dispela yia. Na wan wan klap bai putim kamap 5-pela tim, Primia, Namba wan Divisen, Seken Divisen, Wimen na Anda 18.

Em i tok, dispela yia PMSA i rausim Namba Tri Divisen long mekim kik resis i kamap strong.

Em i tok, 12-pela arapela klap husat i baim fi bilong ol pinis em Westpac, Yuni, Guria, Sunam, GFC, Milen Be Yunaitet, Difens, Tarangau, Blu



Kumul, Morobe Yunaitet, Wazesi and Sobou.

Mista Vui i tok wan-pela klap i hat wok yet long painim sponsa em Tarangau. Olsem na wanem sponsa i gat tingting long helpim orait ringim dispela namba 28 1007 na askim long Het Kosa bilong Soka.

Ol ragbi asosiesen mas baim fi bipo long 15 Februeri

PAPUA Niugini Ragbi Futbal lig (PNGRFL) i gat 8-pela asosiesen i kamap memba pinis. Las yia i bin gat moa long 16 asosiesen i memba long PNGRFL.

Long bikpela bung bilong PNGRFL las yia 7-pela asosiesen tasol i bin baim membasip mani bilong ol. Ol dispela asosiesen em Kainantu, Lae, Madang, Mendi, Nesenel Kapital, Not Solomons na Wabag.



Ol asosiesen i bin baim K1500 long kamap memba bilong PNGRFL. Ol arapela asosiesen husat i tokaut olsem ol bai kamap ful memba, i no baim yet mani bilong ol. Ol dispela asosiesen em Alotau, Bogenvil, Kundiawa, Kimbe, Morobe, Popondetta, Ramu na Waghi. Ol dispela asosiesen i bin baim K700 na i bin tok long narapela K800 long bihaintaim. Mosbi i baim dispela K800 pinis.

PNGRFL i givim ol arapela asosiesen inap long 15 Februeri long baim membasip

fi bilong ol. Rabaul lig i bin baim K1000 na ol i gat K500 dinau i stap yet. Sapos ol dispela asosiesen i no membasip bilong ol bai ol i no inap stap memba bilong PNGRFL. Dispela i min olsem ol pilaia long dispela asosiesen i no inap kamap Kumul.

Ol arapela asosiesen i laik kamap memba bilong PNGRFL em, Wau/Bulolo, Wewak na Tari. Goroka, Kavieng na Kiunga i bin memba bipo tasol ol i no tokaut sapos ol bai kamap memba gen o nogat. Tabubil na Hagen i bin membasip bilong ol tasol ol beng i no bin oraitim sekmani ol i bin raitim. PNGRFL i saspenim dispela tupela asosiesen inap long taim ol i ken stretim ol dispela sekmani bilong ol.

Seketeri bilong PNGRFL Martin Adamson i tok olsem Kerema, Vanimo na Billai i laik kamap asosiet memba. Mista Adamson i tokaut olsem dispela em i toksave tasol. Sapos ol asosiesen i no laik bihainim bai ol i kisim taim.



Morobeen

- Biscuit makers to P.N.G.

COLOR USED

Lae soka bai stat long 5 Mas

BAI i gat 36 klap i pilai long Lae Futbal (soka) Asosiesen long dispela yia.

Bai i gat 12-pela tim long anda 18 divisen na 8-pela tim bilong ol meri. LFA i rausim namba tri divisen.

long dispela yia bai i nogat pri sisen. Namba wan raun bilong pilai bai stat long 5 na 6 Mas.

Ol wan wan klap bai baim K150 afliesen fi long kamap memba bilong LFA. na rejistresen fi bilong ol pilaia em K20. Long dispela sisen tu pe long get em bai K1 long ol pilaia na ol bikpela manmeri. Ol skul studen na ol pikinini bai baim 50 toea.

Presiden bilong LFA

FRANK POMOSO i raitim

Don Sawong i tok anual jenerel miting bilong ol i bin kamap long Mandel Februeri. Em i bin givim ripot bilong em long dispela kibung.

Man i lukautim mani bilong LFA Roy Ovoi i no bin givim ripot bilong em bikos masin i bin brukdaun na ol i no kisim ful ripot.

Ol i bin makim wanpela gems komiti long lukluk long ol pilai i kamap long LFA long dispela sisen. John Peka i siaman bilong dispela komiti.

Ol i toktok tu long kamapim wanpela disipleneri komiti. Dispela komiti bai

lukluk long ol asua o trabel i kamap long taim bilong pilai.


Sawong i tok, bipo ol lain eksekutiv bilong LFA i stap long dispela komiti. Tasol nau em bai tupela ausaitman na wanpela bikman bilong Lae Siti Interim Atoriti i mekim wok bilong skelim ol asua i kamap.

Sawong i tokaut tu long ol lain eksekutiv bilong LFA. Dispela ol lain bikman bilong LFA i save stap tripela yia long wanem wok ol i holim. Dispela yia em i namba tu yia na taim bilong ol bai pinis long neks yia. Ol eksekyu-

tiv em: Don Sawongpresiden, Joe Daimoi-seketeri, Ray Ovotresera, kila Vuiwagi-Senia vais presiden na Bamake Rumbam-Junia vais presiden.

Ol eksekutiv bai holim narapela miting gen neks wik long toktok long wanpela bikpela samting bai kamap long LFA pilai graun. Sawong i tok, long dispela miting bai ol i toktok long lukim sapos ol eksekutiv bai tok orait long nupela projek ol i tingting long kirapim long dispela yia.

Em i tok, ol bai stretim ol toktok pastaim bipo long ol i givim wok long han bilong ol ensinia na plena long



• Don Sawong

skelim na tok save long pe bilong kirapim wok.

Ol wok ya em long wokim nupela klap haus bilong LFA, stretim pilai graun na tu putim ol bikpela lait bilong pilai long nait.

Sawong i tok pe bilong sanapim ol lait tasol bai inap long

K20,000. Em i tok ol i laik bringim olgeta pilai i go insait long LFA pilai graun. Na ol pilai bai kamap long Fraide nait tu.

Sawong i tok dispela wok bai winim mak bilong planti mani tru. Olsem na bihain

long ol i kisim toktok bilong ol plena na ensinia bai ol i go lukim ol beng long stretim toktok long kisim dinau bilong kirapim wok. Em i tokaut olsem Morobe Provinsal gavman i givim K20,000 long ol pinis long statim dispela wok.



• Agebaga A gret tim bilong Pinu Viles husat i bin egensim Raiders tim bilong Gerehu las wiken. Raiders i bin autim Agebaga.

Manus pri sisen soka bai stat nau

FRANK POMOSO i raitim

MANUS soka asosiesen bai statim pri sisen bilong ol long namba tri wik bilong dispela mun. Na sisen tru bai stat long mun Mas.

Seketeri bilong Manus Soka Asosiesen, Charles Synell i tok 12-pela klap i redi nau long pilai. Bai i gat 4-pela divisen bilong ol man na wanpela bilong ol meri. Dispela 4-pela divisen em Primia,

Namba tu divisen na Anda 19.

Insait long Primia divisen 10-pela tim olgeta bai pilai. Dispela ol tim em, Manuei, Difens, Wara, Fokona, Forest, Waterfall, Geiwe, Manus Haiskul na Murat.

Synell i tok, Asosiesen i makim K100 fi. Na ol klap i mas baim bipo long ol i pilai insait long Manus Soka Asosiesen. Ol i makim tu rejistre-

sen fi olsem K5 long wan wan pilaia.

Bai gat miting bilong ol bikman bilong Asosiesen long Mandel 8 Februeri long stretim sampela toktok bipo long sisen tru i stat. Ol bai toktok tu long statim soka resis bilong ol skul manki long provins.

Synell i tok dispela kain resis bai givim sans long ol kominiti skul long pilai soka long taim ol i liklik yet.

KONJO bai bungim Trensport long gren-fainel bilong Bomana tas ragbi resis na ol i redi tasol long bekim dinau.

Tupela tim i bin bung long wanpela semi-fainel gem bipo na Trensport i bin autim Konjo. Tasol long dispela gem, bun tru bilong Kongo Soka Toligai i no pilai na Trensport i bin autim ol. Nau Toligai i kam bek na em bin helpim Konjo i daunim primia tim bilong las yia McGregor 1. Tupela tim i bin pilai long lukim husat tru bai bungim Trensport long gren-fainel.

Wanpela mausman bilong Konjo i tokim Wantok olsem ol lain bilong em wanbel olsem ol bai winim dispela gem. Em i tok ol pilaia i trening gut

Erima setelmen soka kamap strong

OL yangpela man husat i save stap log Erima Setelmen long Mosbi i bin statim wanpela soka resis bilong ol, long mun Ogas las yia.

Pastaim ol i save pilai nabaut long planti hap insait long siti bikos i no bin gat gutpela pilai graun long Erima.

Orait ol i wokim pilai graun bilong ol long Erima na memba bilong Nesenel Kapitel Distrik Hugo

Berghuser i bin opim.

Ol yangpela man i bin wokim foapela tim olgeta na statim bilong ol. Ol tim ya em Kaiwaina, Isi-isi, Saruka na Soro. I gat A gret na B gret long wan wan tim na ol i save bung wantaim na pilai. Em i olsem A gret i save pilai egens B gret bilong narapela tim, o A gret bilong tupela tim i save pilai.

B gret kepten bilong Kaiwaina, Tasi Tolura i tokim Wantok olsem, bai i gat 4-pela raun

bilong Erima soka long Kwins Betde wiken, Independens na Ista long amasim ol dispela bikpela de.

Dispela Asosiesen tu long Erima i kamapim nupela we tru, bilong em. Ol tim husat i pilai i save putim K5 na pilai. Na long taim wanpela tim i win bai ol i kisim K10.

Tolura i tok, long taim bilong fainal ol tupela tim bai putim K10 na wina bai kisim K20.

Trensport na Konjo bai traime strong na save

tru na ol i save harim toktok bilong kosa tasol. Planti pilaia bilong Konjo i yangpela na bai ol i gat mo sans long abrusim ol "lapun" bilong Trensport.

Kepten kosa Toligai na faiwet Herman Ipai bai holim stia bilong Konjo. Sapos lain bilong Trensport i no banisim rot bilong dispela tupela man bai ol i kisim taim.

Long Fowatlain, lapun Tau Lorou bai egensim intenesenel ragbi union huka Elisa Maira. Tupela i gat nem long pilai ragbi long Mosbi. Olsem resis long kisim bal long skram bai strong tru.

Narapela strongpela pilaia bilong Konjo em hapbek Ferdinand Nongkas. Dispela pilaia i save ron olsem snek na save stretim beklain bilong Konjo. Tasol Trensport i stretim olgeta ensin bilong ol na i redi tasol long memeim Konjo.

Kosa Alfred Kumasi i tok olsem Konjo bai pilai tasol ol i no gat wanpela sans long win.

Em i tok, "Commandant's Sheild em i bilong Trensport."

Kumasi i tok olsem tim bilong em i pulap long ol man husat i save tru long pilai.

"Konjo i pulap long ol pikinini na ol i no

inap long Trensport."

Ol lain husat bai go pas long Trensport em Michael Bauba, John Gamini, Patrick Seko, Richard Gorogo na William Mela. Ol dispela lain i stap long beklain bilong Trensport na i luk olsem Konjo bai sotwin long sotpim ol.

Tupela kosa bilong tim Toligai na Kumasi bai pilai long senta. Tupela i mas autim olgeta stail tu long fil long lukim husat i namba wan kosa. Tupela tim inap long winim dispela gem.

Ol lain husat i yusim gut ol kik long gol bai winim dispela gem.

Agebaga spot klap pulim

ol viles yut JOE MARTIN i raitim

WOK bilong bosim gut wanpela bisnis o dipatmen o kampani em i wanpela bikpela samting. Sapos i gat ol smatpela man long bosim wok bai olgeta samting i ran gut.

Wok bilong Spot tu i wankain. Spot i mas i gat ol bos long mekim wok.

Sapos ol bos i no strong, bai spot tim o klap o asosiesen i pundaun.

Planti ol yangpela manmeri i save soim bikpela laik nau long pilai spot. Na sapos dispela spot ol i gat laik long em i no wok gut, planti ol yangpela bai givap long pilai.

Tupela nupela volantia spot opisa bilong Yunaitet Nesen i stap nau long Bereina Distrik long lukautim wok bilong spot.

Ol bai mekim wok bilong lukautim mani bilong ol wan wan spot grup na helpim long stretim wok bilong spot.

Tupela volantia ya i bin ranim planti kos tru. Nau planti ol spot grup insait long Bereina distrik wok long kamap gut.

Agebaga Spots Klap long Pinu viles i wok long stretim ol wok bilong bosim gut spot klap.

Presiden bilong dispela klap, Fred Oa i tok, ol bai painim rot long ranim gut wok bilong klap.

Em i tok, namba wan samting em long stretim wok mani na tu stretim ol pilai.

Mista Oa i tok klap i mas gat trenna, kosa na tu ol arapela opisa bilong bosim ol wok bilong klap.

Agebaga i gat 300 yangpela manmeri i memba long en. Na dispela klap i save pilai ragbi lig, netbal na ol arapela spot kamap gut.

Mista Oa i tok Agebaga i bikpela klap. Na i gat klap bilong ol meri na man. Na wan wan klap i gat ol opisa bilong ol yet long stretim ol gem bilong ol.

Em i tok dispela klap em wanpela rural klap tasol em i gat moa long K2,000 long pasbuk bilong em.

Bai i gat wanpela bikpela miting long wok bilong lukautim spot na wok man bilong ol klap i kamap long ples Pinu neks wik.

Wanpela bikpela tok tok long dispela miting em toktok bilong kirapim Sorghum fam. Na dispela fam bai slip arere long Hiritano Haiwe.

Long taim dispela fam i kamap ol yut i ken go painim wok na kisim liklik mani.

Mista Oa i tok ol egrikalsa opisa i bin mekim pinis wok paini ma ut long kirapim dispela projek.

Bulldogs strong yet long Gerehu tas ragbi

KING bilong Gerehu tas ragbi Bulldogs i winim Cloudy Bears 4-2 las wik.

Bulldogs i bin abrusim planti gutpela sans bilong putim trai. Tasol ol i no wari tumas.

Dispela pilai i bin kamap strong tru olsem na long namba wan hap bilong pilai i no gat wanpela skoa. Bears i laki tru long brukim kiau long 2 poin tasol Bear i skoim dispela gol long taim referi i givim penalti kik long ol.

Long namba tu hap, tupela tim i bin pilai strong tru. Namel long namba tu hap wanpela pilai bilong Bulldogs i bin kisim bal na givim i go long poromon bilong em Peter Kaeka. Kaeka i givim siksti i go na abrusim ol birua bilong em na putim namba wan trai. Orait fulbek Francis Morola i no popaia long kikim konvesen kik. Na dispela i apim skoa bilong Bulldogs 4 na Bears 2.

Raiders i autim Poolside 7-4 las wik Tunde. Na long Fraide, Raiders i strong yet long autim Eels 4-2.



• Primia A gret tim bilong Gordons tas ragbi, Police.



• Namba wan pilai long A gret grenfainel, hafbek bilong Police Roko Koloma.

Ol plisman autim Gordons tas ragbi taitel

MOA long 1000 manmeri na pikinini i bin kamap long Gordons plis Bareks long Sande long lukim gren fainal bilong tas ragbi namel long Side Sena Tigers na Plis Eels.

Ol lain maleo (Eels) i bin wel na olsem ol i abrusim gut tru han bilong ol wailpusi (Tigers) na i winim gren fainal 3-2.

Plis ben i bin pilai na bihain tasol long ol i pilai, namba tu plis Komisina, Ila Geno i kikim bal bilong opim gren fainal.

Tigers i kisim kik na i bringim tim bilong em i go antap tu long 2 poin.

Klostu long pinis bilong namba wan hap, Abel i traim gen wanpela fil kik na i bringim Eels i go antap long 3 poin na S. S. Tigers i bin stap hap, skoa i bin sanap Plis Eels - 3 na Side Sena Tigers - 2.

Insait long namba tu hap bilong pilai, tupela tim wantaim i bin strong tru na no gat wanpela bilong tupela i bin putim traf. Kiva Fae, Steven Mune, Roko Koloma, James Tore na Donald Tokunai i bin pilai strong tru long Eels.

Kosa bilong Eels, Sevese Maifuri i bin givim bikpela tok amamas bilong em i go long Hasu Tete, Willie Yogomin, Robert Suve na Bruce Jeffery bilong Side Sena Tigers long gutpela na strongpela pilai bilong ol.

Tasol long resev gret narapela stori i bin kamap. Side Sena, 10, i bin winim Plis Eels, 8, insait long gren fainals bilong ol. Na long Anda 21 divisen, Bala Raiders i bin mekim save long Soroka Bulldogs. Fainal skoa i bin stap olsem. Bala Raiders - 12, na Soroka Bulldogs - 1.



Lae ragbi lig bai gat 8-pela klap

LAE RAGBI Lig bai statim pri sisen bilong ol long Sarere 20, na Sande 21 Februari. Na sisen tru bai stat long 19 na 20 Mas.

Seketeri bilong Lae Ragbi Lig, Toea Lahui las yia i bin gat 7-pela klap, tasol nau ol i kisim Royals klap na wokim namba i go antap long 8-pela klap.

Ol klap ya em: Royals, Spiders, Defence, Brothers, Tigers, Tarangau na Magani. Lahui i tok ol i bin wokim Annual Jeneral Miting bilong ol, las yia yet. Tasol Presiden bilong Lae Lig, Bill Noi i tokim Wantok olsem ol i bin traim miting long Sande, 31 Januari tasol planti ol eksekyutiv i no bin kamap.

• B gret tim bilong Agebaga. Raiders i bin autim ol tu.

Saut Korea redi long Olimpik Gems



• Ol pipel bilong Saut Korea i amamas wantaim animal i makim namba 24 Olimpik Gem, long bik siti bilong ol Seoul. Dispela animal em i wanpela taiga. Olimpik gems bai kamap long Seoul long mun Septemba long dispela yia. Papua Niugini bai salim tim i go long dispela bikpela gem tu.

Ol nupela lo bilong sofbal

OLGETA pilai i mas bihainim ol nupela lo bilong sofbal.

Sif Ampaia bilong Papua Niugini John Soia i tokaut long dispela tingting taim Wantok i askim em long toktok long ol nupela lo.

Em i tok, dispela rul em bilong ol man na meri wantaim. Na ol lo ya i ken helpim sofbal na tu em i ken mekim sofbal i ya bai mekim sofbal i kamap gutpela moa.

Mista Soia i tok, sofbal i kamap gutpela spot tru na ol tenis i kamap i mekim moa gutpela.

Em i tok dispela ol nupela lo i mas kamap strong. Olgeta asosiesen i bin kisim pinis ol rul na ol pilai bilong ol i mas bihainim. Dispela lo nau i kamap intenesenel lo. PNG em i memba bilong Intenesenel Sofbal Federeesen olsem na i mas bihainim dispela lo tu.

Sampela bilong ol dispela nupela rul em; 1. Olgeta pilai olsem beta (man i paitim bal) ketsa na bes rana (ol man i ran i go long namba wan bes) i mas putim helmet.

2. Ol i bin oraitim pinis olsem long namba wan bes i mas gat Double Bes.

3. Sapos tupela tim i dro na arapela i win long wanpela ran tasol nau i ken kamap sempion. Na i no long ful 7 ining tasol. Sapos 7 ining o 90 minit i pinis na tupela tim i dro ol bai pilai wan bes tasol.

4. Bai i gat penalti long putim nem bilong tim menesa long tim shit.

5. Sapos ol pitsa i no tromoi gut bal beta bai wokabout i go fri long tupela bes.

6. Bes rana interiefens rul.

Mista Soia i tok, dabel bes bai stap long namba wan bes. Na bes bai gat tupela kala, orens na wait. Pilaia long namba wan bes i mas sanap long waitpela hap long bes long taim em i laik ketsim bal. Sapos em i sanap long orens hap bilong bes na ketsim bal, rana long namba wan bes bai i no inap aut.

Na rana bilong namba wan bes i mas tingting gut taim em i ran. Em i mas tasim orens spot. Na i no ken tasim waitpela hap.

Long taim rana i kamap long namba wan tu dispela lo i pinis. Dispela lo em bilong ol man i ran i go long namba wan bes i mas sanap long waitpela spot long autim rana. Sapos em i sanap long orens na autim rana, referi bai tok rana i no aut.

SOFBAL DRO

SARERE 6 Februari 1988 WIK 13

Taim	Gret	Tim v Tim	Ampaya
DAIMON 1			
9.00			
10.30	A	Malangan v Gazelle	J. Soia
12.00	A	Fuji v Mazda	F. Diap
1.30	A	NGI v Hawks	N. Simba
3.00	A	Karanas v Elcom	R. Rolley
4.30	A	Eagles v I. Delight	L. Paivu
DAIMON 4			
9.00			
10.30	D	dodgers v Manalos	Aviat
2.00	D	Aviat v ESA	Dodgers
1.30	D	Gazelle v Columbus	ESA
3.00	D	D. Salle v Fuji	Columbus
4.30	D	Bargam v Chebu	De La Salle

SANDE 7 Februari 1988

Taim	Gret	Tim v Tim	Ampaya
DAIMON 1			
9.00			
10.00	B	Bodiam v Mazda	N. Tata
12.00	B	Manalos v NGI	P. Boone
1.30	B	Chebu v Malangan	S. Malum
3.00	B	Elcom v Aviat	S. Benson
4.30	B	Gazelle v Yokomo	S. Pondriket
DAIMON 4			
9.00			
10.30	C	Hawks v Hoodsco	Bomana
2.00	C	Bomana v Aviat	Hoodsco
1.30	C	Karanas v Columbus	Uni
3.00	C	Fuji v Uni	Karanas
4.30			

Strong bilong Gasel i wok long slek nau

DISPELA wik, wanpela gutpela pilai bai kamap namel long Malangan na Gasel sofbal tim long Mosbi.

Las wik Sarere Gasel i no bin pilai gut tumas na ol i autim Mazda 6-4. Na Malangan tu i no strong tumas na pundaun long han bilong ol lain Braun Igels.

Tupela tim wantaim i gat nem long paitim ol bal. Tasol dispela nem i pinis. Klostu sisen bilong sofbal bai pinis na planti man i wok long pre strong olsem Gasel i mas winim dispela gem.

Pae Mesak i wok long pits gut tru na hapim nem bilong Malangan. Sapos Gasel i pilai kaskas ol bai kisim taim long ol boi Nu Ailan ya.

Nau yet tupela tim Gasel na Malangan i gat wankain strong. Tasol Gasel i winim Malangan liklik bikos ol i gat ol gutpela pilai i save helpim tim i win.


Long belo bek, Fuji inap long autim Mazda. Kosa bilong Mazda, Henry Kila bai strong yet wantaim foawil draiv bilong em long autim ol lain Fuji.

NGI bai traim stapim ol lain Hawks long namba 5 ining. Na long hap pas wan, Omega Elkom bai traim strong bilong ol lain Karanas. Nau Larun Maing i kam bek na Karanas bai strong yet long kirapim das egens long Elkom.

Na long bikpela pilai long apinun, Braun Igels bai autim yet Interior Delight.

MOSBI SOFBAL LADA

Grade	Teams	Games	Won	Lost	Draw	Points
A	Gazelle	12	9	1	1	19
A	Eagles	12	9	3	0	18
A	Elcom	12	8	4	0	16
A	NGI	12	9	3	0	18
A	Fuji	12	7	4	1	15
A	Hawks	12	5	7	0	10
A	Karanas	12	4	8	0	8
A	Mazda	12	3	7	2	8
A	Malangan	12	2	9	1	5
A	Kabiu	12	1	10	1	3
B	Chebu	11	8	2	1	17
B	NGI	11	7	3	1	15
B	Aviat	11	8	3	0	16
B	Bodiam	11	8	3	0	16
B	Manalos	11	8	3	0	16
B	Gazelle	11	5	6	0	10
B	Yokomo	11	4	7	0	8
B	Mazda	11	3	8	0	6
B	Elcom	11	2	9	0	4
B	Malangan	11	1	10	0	2
C	Eagles	8	7	1	0	14
C	Fuji	9	6	2	1	13
C	Columbus	9	6	3	0	12
C	Aviat	9	5	3	1	11
C	Bomana	8	4	4	0	8
C	Hoodsco	9	3	5	1	7
C	Hawks	8	3	5	0	6
C	Uni	9	2	6	1	5
C	Karanas	9	1	8	0	2
D	Gazelle	11	10	0	1	21
D	De la Salle	11	8	2	1	17
D	Dodgers	11	7	3	1	15
D	Aviat	11	6	4	1	13
D	Fuji	11	6	5	0	12
D	Columbus	11	4	6	1	9
D	Bargam	11	4	7	0	8
D	ESA	11	3	7	1	7
D	Manalos	11	2	9	0	4
D	Chebu	11	2	9	0	4



BIKPELA pilai bilong tas ragbi bilong Hohola bai kamap long dispela wiken.

Bikpela pilai tru em bai stap namel long Borderline na Crusaders. Wanem tim namel long tupela i win bai sindaun isi tasol long pilai long gren fainal. Orait wanem tim i lus bai pilai egens wina bilong Sharks na Mutrus Brothers.

Las wik, Sharks i winim Rooster 5-4. Dispela gem i no swit tumas bikos referi na lainsmen bilong em i no ranim gut pilai.

Dispela pilai bilong Sharks na Rooster i gat 9-pela minit i stap yet na liklik kros na trabel i kamap.

Sapos i gat gutpela referi, Rooster inap winim Sharks. Tasol dispela i no mekim Rooster i wari ol i tok em i liklik samting nating.

Na long ol gem bai kamap neks wik lapun bilong Boda - Charlie Kouri bai go pas long ol yangpela ya. Sapos ol Crusaders i no was gut, ol

Hohola tas ragbi kamap long fainal nau

HENRY MORABANG i raitim

bai kisim taim ya.

Long Crusader, Walter Taule bai go pas na traim strong bilong Borderline. Las yia Crusaders i no stap long top 4-ples bikos ol i no pilai strong tumas.

Dispela yia, Borderline bai kamap namba tu taim long pilai gren fainal sapos ol i winim dispela gem. Tasol tarangu birua em, Sharks. Ol i wok long paat yet long kam antap na pilai egens Borderline.

Long ol arapela gem,

Mutrus i winim tru ol arapela nupela tim olsem Bulldogs, Dragons na Paradise long pilai long top 4-ples. Em i namba wan bilong Mutrus na i luk olsem ol bai inap long winim Sharks.

Sharks i gat sevisman olsem Wilfred Mai, Neil Sauna na Wata Sauna. Kain pasin bilong ol long pretim ol arapela pila tasol i ken helpim tim bilong ol i win.

Dispela wik ol bikpela pilai i kamap na ol Hohola Tas

opisel i mas traim painim ol gutpela referi.

Pilai las wik i soim tru olsem lainsmen na referi i mas kisim sampela skul moa long mekim wok bilong ol. Ol opisel bilong asosiesen i mas tingim tu dispela na makim ol rait man long lukautim gem.

Long dispela pilai namel long Borderline na Crusader, Borderline bai winim yet. Na long pilai namel long Sharks na Mutrus Brothers, sapos i gat gutpela referi, em Mutrus bai winim gem.

• Wanpela ainman bilong Bomana, Lewis Iara i paitim bal long gem bilong ol wantaim Karanas long Sande

Kiunga lig makim ol nupela eksekyutiv

IAN KAKARERE i raitim

KIUNGA Ragbi lig i makim pinis nupela presiden bilong ol. Dispela man em i Dokta Thomas Kubu, superintenden bilong Kiunga haus Sik. Dokta Kubu em i no wanpela nupela man long ragbi lig. Em i gat nem tu long pilai ragbi yunion.

Ol i bin makim Dokta Kubu presiden long bikpela miting bilong Kiunga Ragbi lig las wik Dokta Kubu i bin askim olgeta klap long bung wantaim na kirapim gen Kiunga Ragbi Lig. Kiunga Ragbi Lig i bin memba bilong Papua Niugini Ragbi

Futbal Lig (PNGRFL) las yia. Tasol dispela yia ol i no baim membasip bilong ol long PNGRFL. Olsem na bikpela wok bilong Dokta Kubu em long kamapim K1500 long baim membasip fi bilong ol. Kiunga Lig i gat sotpela taim tru long painim dispela mani bikos las de bilong baim membasip fi em 15 Februari.

Ol arapela eksekyutiv ol i bin makim long dispela kibung em Joe Ofoi (vais presiden), Dominic Kela Lufa (Tresera)

na Arua Siage (rejistresen opisa). Long dispela taim tu 5-pela klap i bin givim nem long stap long Kiunga Ragbi Lig resis. Ol dispela klap em Brothers, Yunaitet, Waliwests, Magani na West Ambangs.

Dokta Kubu i tingting tu long askim Tabubil long putim sampela klap long Kiunga Ragbi resis. Tabubil i no gat wanpela ragbi lig resis dispela yia bikos ol lain bilong Ok Tedi Kampani i stretim pilai graun bilong ol nau.

Passingan nupela het kosa bilong Paga klap

NELSON Passingan i het kosa bilong Paga klap bilong Mosbi.

Passingan i bin autim olpela kosa John Wagambie long wanpela vot tasol. Long namba wan taim ol i vot, tupela wantaim i bin dro 4-4. Tasol long kastom bilong Paga klap, sapos kain samting olsem i kamap na tupela sait i dro, em presiden i ken vot tu long wanem sait em i laik sapatim.

Em long dispela we, presiden John Gaius i bin vot long Passingan na em i winim Wagambie 5-4.

Planti toktok nau i wok long kamap long ol sapota na narapela

ol lain husat i save bihainim Paga klap. Long wanem as tru na ol i makim Passingan olsem het kosa bilong klap na watpo tru na ol i lus tingting long bikpela wok bilong Wagambie em putim long klap.

Wanpela ful sapota bilong Paga, David Wrakafie i autim tok tok na belhevi bilong em long watpo ol eksekyutiv i makim Passingan na long wanem as tru na ol i no makim Wagambie long het kosa gen.

Wrakafie i tok, Wagambie i wokim bikpela wok tru long

kirapim nem bilong klap long tupela yia em i holim wok bilong het kosa.

Tupela pilaia i tok olsem tupela bai lusim klap. Liklik brata bilong Wagambie, Richard na kepten bilong A gret tim Kelly Nauru i tok pinis olsem tupela bai lusim klap na go joinim ol narapela klap.

Richard i tokim Wantok olsem em i no amamas long menesmen bilong klap. Em i tok em i bin pilai 5-pela yia olgeta long Paga. Na long 1986 na 1987 Paga i bin kamap gut tru.

DO "YOU" WANT TO INCREASE YOUR BUSINESS?

Promote your business in 14 major urban centres and outlying areas by using "FM STEREO ADVERTISING".

After all we broadcast from 5.30 to 12 o'clock midnight everyday, bringing entertainment nationwide!

While driving - sailing - working in shops, factories, offices or just walking along "KALANG FM STEREO RADIO" in your faithful "SALESMAN", selling "YOUR" product, while other medias which claimed to be the best for advertising can not be read, seen or heard while doing the above mentioned. Makes sense doesn't it?

Our recently completed independent survey shows Kalang FM Stereo Radio to be the "TOP MEDIA" for "YOUR ADVERTISING". Ownership of radios is 80% nationwide, listeners is 90%. Besides being one of the best "FM STEREO RADIO" stations in the Pacific region (please check if in doubt) we give news on the hour, short stories, etc besides "THE SOUND THAT COUNTS".

Our success rate is obvious, ask our bank manager, he is happy with our cheap rates, and our bank balance. Join a winner by advertising on Kalang FM Stereo Radio now.

Kalang Adverting P/L,
Advertising Sales Department,
P.O. Box 1534 POM,
Ph: 25 5233 or 25 4884,
Where value for money is our motto
ask some of our valued customers
(REGISTERED ADVERTISING AGENT)

P.S. Need scripts - commercials or jingles made the professional way contact Kalang Advertising with the "Sound That Count"



WANTOK
KUSPEPA BILONG PAPU: KUGINI STREET

SPAK MAIK

MAIK I GO KAMAP LONG NPF OPIS...

NAU EM GO INSAIT NA LUKIM BOS BILONG NPF..

TARANGU EM WOKA-BAUT I GO AUTSAIT.. LONG TAIM EM GO AUT EM I LUKIM WANPELA KA BILONG OL MINISTA...



NAU MINISTA TOKIM DRAIVA LONG STOPIM KA...

MAIK I KALAP I GO INSAIT NA TUPELA TOK TOK...



GOODYEAR

The Choice of Champions

CALL FOR THE BEST PRICES
WITH BEST SERVICE
AND HAVE A GOOD YEAR
WITH GOODYEAR.

GOROKA
Ph: 72 1848
Al's Auto Repairs
Pty. Ltd.

MADANG
Ph: 82 2433

LAE
Ph: 42 1144

RABAU
Ph: 92 2757
92 2777

MT HAGEN
Ph: 52 1715

POPONDETTA
Ph: 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay
Enterprises



BOROKO MOTORS

• PORT MORESBY PH 25 5255 • LAE PH 42 1144 • RABAU PH 92 2777 • MT HAGEN PH 52 1715 • MADANG PH 82 2433
• TARIKI PH 58 1111 • ARAWA MOTORS PH 95 1566 • HIGATURI MOTORS PH 29 7175

COLOR USED


REBO

OL LAIN KUMUL
I PUTIM OL GUTPELA
KLOS BILONG OL TASOL
REBO NOGAT TAIM NA
EM PUTIM RAGBI
UNIPOM YET...

... MI SEM TRU YA..
BAI OL TOK WANEM LONG
PAPUA NIUSINI.. OOH MI
SEM PIPIA STRET!!



OL I KAMAP LONG
JAKSON INTANESENAL
PLES BALUS...



OL MAN BILONG T.V
WET ISTAP...

OL KUMUL PLAIAS I
KAMAUT LONG BALUS..

HARIAP TRU
NA OL TV MAN
RON I GO KISIM
PIKSA...



REBO I LES NA WOK LONG
HAIM PES BILONG EM..

HEY! MASKI PUTIM
KAMERA LONG MI!!
KLIA!!



WANPELA TV KAMERA
MAN I NO HARIM TOK
NA REBO SLEKIM EM..

HEY KLIA!!
MI LES LONG
TV!!




HARIAP TRU NA EM
WOKAPACT I GO LONG
NARAPELA GET...



I GO MOA
LONG NEKS NIK!!

GOOD YEAR

The Choice of Champions




TIMBER KING
LOGGING &
HAULING
TRUCK TYRE




G291
UNISTEEL
HIGHWAY
RADIAL TRUCK TYRE



G186
UNISTEEL
ON/OFF ROAD
RADIAL TRUCK TYRE



HI-MILER
G8
HIGHWAY TYRE




G100
G100
ON/OFF ROAD
TRUCK TYRE

PINIKI



See the complete line of over-the-road truck tyres by Goodyear.




WHANGLER THE ALL PURPOSE 4WD RADIAL TYRE




NCT

GRAND PRIXS 70




G800 GRAND RALLY FABRIC BELTED RADIAL



BOROKO MOTORS

•PORT MORESBY PH 25 5255 •LAF PH 42 1144 •RABAUL PH 92 2777 •MT HAGEN PH 52 1333 •MADANG PH 82 2433 •TABUBI PH 58 3111 •ARAWA MOTORS PH 95 1566 •HIGATURU MOTORS PH 29 7175



TRADITIONALLY THE NAME
ASSOCIATED WITH PERFECTION
IN CIGARETTES
BENSON & HEDGES

STERLING

Special Mild



STERLING 25s



MENTHOL

VIRGINIA

SPECIAL MILD

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.